



M 6
13-c




Ex Bibliotheca
ajori Coll. Rom.
Societ. Jesu

6-13-C-71

18.5.34.
17
17-21









IO. LEZIRVS

PELLANI DE POE-
ticorum studiorum vtilitate.
In Orationem M. Tullij Ci-
ceronis pro A. Licinio
Archia Poeta.

50

*Ad clarissimum virum Ioa-
chimum Hopperum,
Iuriconsultum.*

Ex codicibus soliorum Familie
+ XXXVI

ANTVERPIÆ.

EX OFFICINA CHRISTO-
PHORI PLANTINI.

ANNO,
M. D. LX.

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

IO. LAEZIVS RUPPEL-
lanus Ioachimo Hoppéro do-
ctissimo prudentissimoque
Regis Consiliario.

S. P. D.



Ituperant plerique & dam-
nant in vniuersum Poeti-
ca studia, neque solum ple-
bei isti & imperiti homi-
nes, sed etiam, vt video, graues aliquot
& magnæ auctoritatis viri, quorum ta-
men alij faciliores & æquiores, hoc qui-
dem genus studiorum esse attingendum
& excolendum concedunt, sed velut re-
ficiendi relaxandique animi gratia, non
vt inde aliquid veræ & solidæ erudi-
tionis eliciatur. Qui omnes quàm graui
errore teneantur, maleque de studijs hu-
manitatis iudicent, tu omnium maxime
potes, Hoppere eruditissime, demonstra-



re, quem in hac contentione tanquam
ἀπικατάτατος μάγιστος ἰππόκομος, vel potius lectis-
simum iudicem eò libētius adduco, quòd
sciam optimorum consiliorum in admi-
nistranda Republica ex istorum fonti-
bus haurire rationem, et ad istos, vt cer-
tissimos harum rerum auctores rectam
Reipublicæ institutionē reuocare. Nos
quidem, quod nostrarum hīc esse par-
tium puto, illam ipsam consilij tui incli-
nationem multis validisque argumētis
confirmabimus: reliquas huiusce dispu-
tationis partes, in maius aliquod & el-
aboratius scriptū, quod iam parturio, re-
seruabimus. In primis sacrosanctæ leges
sine quibus nec domus, nec Respublica,
nec ciuitas, nec vlla hominum societas
potest consistere, præcipuam & inuiola-
tam in omnibus auctoritatem obtinere
debent: nudè hoc propono, nec fusiùs
persequor quod in dubium adduci non
potest

poteſt. At iſtæ, niſi blāditijs quibuſdam
molliq; orationis ſuauitate ad pārendum
fuerint allecti & inducti hominum ani-
mi, quid ad communitatem & publicam
tranquillitatem conferunt? Vel potius
quas ſtrages, quas calamitates, quæ ſce-
lera non edunt? Ea eſt enim humani ani-
mi conditio, vt vbi vincula ſibi injci,
catenasque parari videat, excutiēdi iu-
gi gratia nihil non moueat, & irritatus
in omnem licētiam habenas laxet. Eū-
dem ſi arte tractare, & vt ferocientem
pullum manu demulcere tētariſ, quem-
admodum vrfam Dauniā immāne &
horrendum monſtrum olim Pythagoras
leniuit, vltro manus dantē, & tanquam
aratro collum ſponte innectentem ha-
beas. Quod Herculis Gallici, cuius ē lin-
gua dependent catenæ infinitam homi-
num ſequētium multitudinem irretien-
tes & illigantes, ſimulacro & imagi-

ne nobis veteres indicarunt. Hinc Orpheus Oeagri & Calliopes filius cuius cythara & cantu deliniti Odrissæ, qui Pangæum in Thracia incolebant, gens barbara, inhospitalis, & latrocinij as-
sueta, eum Ducem facile sibi asciuerunt, & illa feritate naturæ liberati, manda-
ta & instituta, quæ suauissimis modis & cantibus exprimebat ille, sunt prom-
pto & obsequenti animo insecuti. Hinc nobilissimus ille Bæotiæ Cytharædus Amphion, qui dispersos & ritu bestia-
rum palantes in agris homines ad socie-
tatem iurisq; communionem eloquentiæ blāditijs reduxit, Thebasq; clarissimam quondam ciuitatem condidit, & ingen-
tibus cinxit muris, quos ideo fingunt Poëtæ ad Lyræ sonitum coaluisse.
Quid enim ad molliendos, & velut cicu-
randos hominum animos Poësi effica-
cius? Hinc Anacreon Teius Polycratem
Tyran

Tyrannum Samijs mansuetum & benignum reddidit, insitamque illam ferociam versibus mitigavit. Sic Lacedemonij fortunæ iniquitate fracti & concussi animos Tyrtæi carminibus sumpserunt. Sic Lesbios Oda Alcæi ad humanitatem informarunt. Quid Celtas ad incredibilem illam audaciam & fortitudinē excitavit, nisi veteres illi Poetæ, quos Bardos nominabant, qui musicis instrumentis, versibusque fortium virorum facta recinentes, & timidos ignavosque omni opprobrij genere insectantes, locum ignaviæ nullū reliquerunt. Sed longius præteruehor. Debet igitur severitas illa asperitasque legis, Carminū suauitate mitigari, suntque Odarum & cætiū molliæ aspera illa & intractabilia plebis pectora ad mansuetudinem & lenitatem reuocanda: quod à Philosophis præceptum diligenter veteres illi Legislatores ob-

seruarunt, qui leges versibus comprehen-
sas, & illa modulatione tanquam melle
suffusas populo recitarunt, & vulgò ca-
nendas proposuerunt. Id ipsa Græci no-
minis ratio testari satis videtur. Signi-
ficat enim *ῥυθμός* in cātu seu carmine qua-
litate illam, & moderationem vocis,
qua vel acutioribus vel remissioribus
sonis utimur: cuius generis *ῥυθμός* refert,
Clemens Alexandrinus lib. 1. *στοιχείων*, pri-
mum Timotheum Milesium in choro &
cythara cecinisse. Iam quid de Philoso-
phis summisq; viris loquar? Nonne tuus
ille Plato, quem Panætius Philosopho-
rum Homerum vocitare solitus est, ex
Homeri politia diuinam illam Reipub-
licæ institutionem desumpsit? Si lex sit
promulganda, si illius ratio exquirēda,
si societatis iura discutiēda, si magistra-
tuum, officiorum, dignitatum gradus di-
stinguendi, denique si quid in civili so-
cietate

cietate peragendum, ad Homerum, tanquam ad certissimū Apollinis oraculum confugit. Adeò ut Maximus Tyrius, inter Platonica scholæ Philosophos verè maximus, ausus fuerit affirmare, non tam Socrati similem esse Platonem, quàm Homero, & omnia vtriusque ex æternis illis Homeri fontibus, velut riuiulis quibusdā, ad posteros dimanasse, quemadmodum ex Oceano Mæotis, ex Mæotide Pontus, ex Ponto Hellespontus, ex Hellesponto Pelagus profluit. Vnde, quæso, fertilior & vberior bonorum consiliorū seges, quàm ex vno Homero (hunc enim omnium Poëtarum instar hîc esse volo) colligitur? cuius Scriptoris lectio, cuius Viri consuetudo, cuius Præceptoris institutio, cuius exercitationis assiduitas meliùs & elegantius animum ad Rempublicam bene gerendam informat? Habes Principum consilia-

filiarios, populiq; rectores & duces Nestorem, Ulysses, Phœnicē, Diomedem, Aiacem, Thersitem, Polydamantem, aliosq; innumeros, quorum si in administratione Reipublicæ virtutes imitandas, vitia autem fugienda sibi quis proposuerit, singulare quiddam eum & planè diuinum existere sit necesse. Quanta est eius prudentia, quanta virtus, quanta fortitudo, quanta auctoritas, qui

Οι τινα μεν βασιληα, καὶ ἑτοχοι ἀνδρα ἑφύργοι

Τον ρ' ἀγαθοῖς ἐπίστασι ἐπιτήσασκε παραστὰς

Οι δ' αὖ δῆμους τ' ἀνδρα ἰδοὶ βοῶντα τ' ἐφύργοι

Τον σὺ κῆπ' ἰλαίεσσας κεν.

Quare non possum non vehementer probare & extollere institutum tuum, mi Hoppere, qui ad singularem istam vim naturæ & ingenij, huius doctrinæ & artis. (si tamen ars est vocanda quæ præceptis nullis cōtineri, aut certè egrè potest) institutionem adianxeris: à qua
quum

quum Viderem hodie permultos abhor-
rere, vel non alio Poëtas loco habere,
quàm Mimos, Histriones, huiusq; notæ
homines, qui ad solam aurium volupta-
tem adhibentur, tantum errorem; stu-
dijsq; humanitatis & civili societati tam
perniciosum paucis putavi reuellendum
& extirpandum. Quo nuper consilio e-
legantem illam & mirè eruditam Cice-
ronis Orationem pro A. Licinio publicè
hîc enarradam suscepi, quo munere cû vi-
satis diligenter functus viderer (excita-
bant enim me & auditorum frequentia
attentioq; & doctorum hominum adhor-
tationes) tamen animo meo, disputatio-
niq; susceptæ satisfacere me nō posse cre-
didi, nisi ea quæ ipso dicendi calore effu-
tieram, aliquantulum limatiora in lu-
cem emitterem: cuius etiam consilij mihi
auctor fuit vir politissimus, tuæq; glo-
riæ amicissimus Cornelius Valerius, bo-

narum literarum professor, qui, ut has
meas ineptias tibi dedicarē, multis quo-
que rationibus, alioqui huius rei cupido
facilē persuasit. Nā præter singularem
tuam humanitatem, quā in homine tam
egregiē perito satis esse noueram, incre-
dibile harum rerum studium, similemquē
ingenij tui inclinationem, cū de hoc a-
pud illum negotio nuper agerem, suauī
blandaquē oratione accuratē expressit.

Superest igitur, mi Hoppere, ut hoc,
qualecunque est, scriptum, certissimum
meæ erga te obseruantiae testimonium
æqui bonique consulas, teque huic nostræ
disputationi æquum iudicem præbeas.
Quod si male feriat illi homines, qui
glādis semper innutriti delicias istas
ferre non possunt, impetum in me fece-
rint, nec illi sim excipiendo, ut summa
est virium mearum imbecillitas, tuæ e-
rit humanitatis & pietatis causam hanc

Et equam Et Reipublicæ vtilem ad-
uorsus imperitorum hominum Et ini-
quorum quisquiliis defendendam susci-
pere. Ego sanè, vbi copias meas, quæ ex
Græcia Et Italia auxiliares aduentant,
coëgero, omnibus viribus omnique con-
tentione Barbariem illam radicitus
euellere decreui: Forti hercule, Et
strennuo Ducem animo me præstabo:
militum meorum incredibilem virtu-
tem Et fortitudinem iam satis superque
magno suo malo periclitati sunt hostes.
Ita fore confido, vt Græci Latiniq̃ue
exercitus robur sustinere nullo modo
possint. Bene vale, Et me ama.

Louanij, 1559.



IN MISOCALON IN-
fensissimum Musarum hostem.

*Impie quid Vitream temeras Permessidos Undam,
Delicias Phœbi, deliciasq; Iouis?*

*Quid Pindum, Eurptam, geminoq; cacumine mōtem,
Consceleras lingua garrulitate tuæ?*

Blanda Vbi Calliope cœtus imitata sororum

Daphnaam saltat molliter ad cytharam,

Et patris æterni laudesq; decusq; tenello

Et mihi quæ non fas dicere, facta canit,

Vicerit ut erudos immani corpore fratres,

Reddideritq; suis mamina amica locis.

Nunc Vbi Saturno tenebrosa in tartara misso,

Commoto terret cuncta supercilio,

Musarum & vindex terrorem mentis iniqua

Ætherea vibrat fulmina missa domo.

Illā parata tuo capiti, & quicumque sorores

Despicit, & nugas carmina docta putat.

Sunt etiam Musis quæ non clypeo arma retundas

Opposito, tenerum si mouet ira iecur.

Hac laqueo sensit nodatus colla Lycambes,

Quod Vati est ausus dicere conuicia.

Threicioq; ferus Phocæis victor in oris

Milite, virginibus vimq; dolumq; parans,

Dum sese æræ decors de culmine turris

Proijcit,

Projicit, & sædo sanguine tingit humum.
 Sic etiam nemorum querula convicia Pice
 Pæonides rauca garrulitate strepunt.
 Idmonia & tectis temeraria pendet Arachne,
 Necdum mobilibus temperat articulis.
 Nos quoque si rabies nigris armarit lambis,
 Et madeat sicci pagina felle senis,
 Quantis heu lachrymis cupias lenire furem,
 Quum fixus dederis in cruce supplicium?
 Sis exemplo alijs, ne quis sacra numina Vatum
 Concitet, ærumnis admoneasque tuus.
 Grunniet hic porcus, tribulis pascetur a sellus,
 Pieriaque cadet Vultur odore rosa:
 Et cunctis odio vitam traducet inertem,
 Atque erit in toto fabula nota foro.
 Contemptamq; gemet Pimplam, lucosq; sonantes,
 Bellerophontei quascate, unda loci.
 Quin ubi Persephona stridentes, viderit umbras,
 Cum cinere inuiso pallida Dipsas erit.
 Ut quo tam fuerat quondam letata veneno,
 Tetrior haud careat dipsade lingua cinis.
 Tullius an Latia decus admirabile lingua
 Quo nil Romano maius in orbe vides,
 Doctus & abstrusas rerum cognoscere causas,
 Et pro sollicitis verba sonare reis,
 Non satis Aonias fuerit defendere lauros,
 Vno te niueos dilacerante choros?
 Iam iam tela parent, genus irritabile Vatum,
 Et meritas feruens concitet ira minas.
 Sed quæ turba ruit tragicos induta cothurnos,
 Et rapit insano mentem animumque sono?

*Siccine nunc Aganippais inimica chorais
Te video turpi vertere terga fuga?
Quò properas demens? siste, est fuga nulla saluti.
En robur, tortos accipe funiculos.
Imma torua corax, laniabit viscera Lachne,
Vulturius linguam, cetera membra lupi.
Sic pereat, sacros poterit quicumque Poëtas
Atque Heliconiadas scindere conuitijs.
Vt lauros circum & Hyantean Aganippen
Lympha Medusæo fonte perennis erit.*



IO. LÆZII RVPELLANI
COMMENTARII IN ORAT.

CIC. PRO ARCHIA POETA.

Ad Clariss. virum Ioachi-
mum Hopperum.



EXTANT in hanc orationem docto-
rum hominum Commentarij, qui-
bus mens & consilium Ciceronis a-
lioqui per se nō obscurum & recon-
ditum Iuuenturi satis innotescit. quo in genere
interpretandi si mihi versari hīc decretum esset
hoc est crambe bis repetita, quod aiunt, misere
lectores enecare, certè cū hac mea impuden-
tia meritò magnis cachinnis explodendus vi-
derer. Quid enim est illud protrita ista & vul-
garia omnibusque decantata toties inani loqua-
citate inculcare, sicque & ocio & literis abuti?
Mihi certè quum longè aliud cōsiliū fuit hu-
ius Orationis enarrandæ (quum primum pro-
fessionem hanc amicorum quorundam horta-
tu Louanij suscepi)tū in præsentiā multū dis-
similem habeo rationem hosce meos Commē-
tarios sub tuo nomine Hoppere doctissime, e-
dendi. Non possum enim non molestè ferre
Poësim suauissimam simul & vtilissimam stu-
diorum nostrorum partem tam contemptam ia-
cere & neglectam, immo si Dijs placet, prophā-
norum hominum calumnijs & Sycophantijs
turpissimè proscindi, quum tam numerosa

B bona-

bonarum omnium rerum suppellex optimarū-
 que præceptionum velut seges ex hac vna colli-
 gatur. Sed de his accuratius, certè prolixius iā
 tecum egimus. Quum igitur viderem elegan-
 tissima hac Oratione Poëtarum defensionem
 Romanæ eloquentiæ Principem M. Tullium
 suscepisse, magna que cura & orationis conten-
 tione, ac admirando rerum, verborum, senten-
 tiarum splendore causam hanc nostram peregis-
 se, operæ precium facturum me putavi si & ipse
 à pueris huic literarum generi naturæ quadam
 inclinatione deditus controuersiam eandem ar-
 riperē, Musasque ab istorum contumelia & in-
 iurijs vindicarem. Neque enim parum fallitur
 qui putat de solo Archia contentionem hic es-
 se susceptam, de Poëticijs studijs, immo in vni-
 uersum de omnibus artibus, quæ hominē libe-
 ro sunt dignæ, disputatur. Quare non est quod
 quis nouo & inusitato genere interpretandi ve-
 hementius commoueat: Disputatio est planè
 philosophica, eam etiā philosophicè nobis dis-
 cutiendam putamus: quo in genere nec minu-
 tiora ista, quæ tamen plurimum vtilitatis & in-
 genij, non parum complectuntur, Rhetorum
 præcepta ad Elocutionem maximè spectantia
 fusius persequi volumus. Quod si plarun-
 que liberius & copiosius (neque enim me istorū ter-
 minis coërceri volo) disputationis filum pro-
 taxero, non est etiam, Hoppere, quod mirum ti-
 bi id videatur. Argumentum est mirè fœcun-
 dum, quodque quum omnium artium & scien-
 tiarum

tiarū præsidio fulciatur ἀνθρηρωφείῳ αὖ gaudeat.
 Quare videndū mihi fuit, ne fœcūditas illa rei
 propositę nimia mea sterilitate arefceret, Certè,
 nisi vehemēter fallor, si quis attētē disputatio-
 nis nostrę fines, huiusque orationis scopū confi-
 deret, non me aliena consecretantem reperiet
 ὑπὲρ τὰ ἐπαγγελμένα πηδῶν. Sed ad rem veniamus. Vir
 quidā eruditus & in hoc disciplinarum genere
 optimē versatus, paucis & dilucidè, vt solet, to-
 tius huiusce Orationis Dispositionem & διακοσ-
 μίαν demonstraui, quem, vt opinor, postea sunt
 alij infecuti. Eorum igitur, quia rem istam accu-
 ratè tractarunt, vestigijs inhærebo, sic tamen, vt
 hæc ab illis ipsis malim studiosos petere. In om-
 ni genere scripti quod aut legendum aut imitā-
 dum, aut excutiendum assumimus, in primis no-
 bis est inquirendum, diligenterque animo con-
 cipiendum præcipuum illud in quo velut car-
 do totius causę vertitur, hoc est, inuestigāda est
 nobis prima illa & generalis propositio, vnde
 tota reliqua oratio depēdet, & ad quam confir-
 mandam & corroborandam omnibus argumē-
 torum & sententiarum viribus Orator conten-
 dit. Hęc cōstitutio causę dicitur, vulgò statum
 appellant nostri Rhetores. Hunc vbi deprehen-
 derimus, studiosè cauendū est ne in reliqua ora-
 tione nobis excidat, alioquin enim vbiq; cæcu-
 tiemus, nec ascititium illum verborum & sentē-
 tiarum ornatum ad proprium certumq; aucto-
 ris scopum referemus, ac vt inconsideratè a cta
 neruo sagitta temerè nimis errabimus. Deinde

accuratè est notanda & attentè, totius orationis Dispositio & *οικονομία*, vt videamus quæ partes quomodo sibi inuicem cohæreant. Hac methodo profectò longè facilius consiliū & mentem scriptoris deprehendemus, nulloque negotio quorsum hæc aut illa, hoc aut illo loco attexuerit videbimus. Habet & alia plurima emolumenta, hæc industria & diligentia obseruandi in quolibet scripto seriem sententiarum, certamque omnium partium & membrorum orationis connexionem. Sic enim & de aliorū scriptis iudicium formatur nostrum, & certiora ipsi magisque cohærentia scribere assuescimus. Huius autem rationis ignoratione plærosque videas adeò confusas, perturbatas, & sibi dissimiles orationes edere, vt planè scopæ dissolutæ videantur. Sunt enim monstrosi partus, qui nec caput, nec pedes, nec cætera membra naturali ordine disposita habeant. Eo nomine malè etiā audiit vir alioqui doctissimus Annæus Seneca, quem quidā non illepidè dixit funiculos ex arenanectere. Ego sanè multos vidi qui quū & optimè de rebus sentirent, & facultate dicendi valerent, & proprijs ac electis verbis vterentur, tamen quod nullo ordine procederent, animiq; sui concepta cōfuse & perturbatè expromerēt, non potuerunt dilucidè & apertè quæ in animo habebant edocere. Nimirum illud vitij ignaua illa socordia & negligentia sibi contraxerunt, vtpote, qui leui brachio, & extremis tantū digitis (vt aiunt) aliorum scripta attingant, nullamque

que ordinis & dispositionis rationem habeant, sed tanquam Chaos aliquod confusanea rerum omnium permixtione conflatum cæcutiētibus oculis intueantur. Constitutio causæ, id est, totius huiusce orationis scopus hic est, Archias est ciuis. Omnem vero dispositionem, quacunque de re demum suscipiatur, necesse est syllogismo aliquo comprehendī. Is nudus & simplex talis hic est. Quicumque socijs ciuitatibus ascriptus est, is est ciuis Romanus, Archias autem socijs ciuitatibus ascriptus est, Igitur Archias est ciuis Romanus. Ad hunc modum si in omnibus scriptis ornamenta illa externa, quæ ad causæ cōfirmationem, & à plærisque etiam auditorū elusionem adducuntur, ornatumque & splendore verborum, quo res per se tenues & exangues decorantur, subtraxeris, longè syncerius & proprius de omni re proposita iudicium ferre poteris. Quod quum paucissimi hodiè obseruent, fit vt ridicula & inepta plurimorum scripta in magno precio habeantur, quæ hac censura diligenter excussa, & velut ad Lydium lapidem explorata statim conciderent, & communi omniū consensu exploderentur. Neros & succum, ipsumque orationis sanguinem spectare oportet iudicatuos, non fucatæ cuti, ascititijsque coloribus, vt ociosis & inanibus picturis inhærere. Illius igitur Syllogismi conclusio, vocatur status causæ, qui etiam idem est in Oratione pro Cornelio Balbo, qua eum defendit esse ciuē Romanum. Ratio tamen qua aduersarius ius ciui-



tatis istis adimere conatur, in vtraque oratione non est eadem. Ibi enim accusator non negabat Balbum à C. Pompeio ciuitate donatum, sed licuisse hoc Pompeio id verò acriter pernegabat. quod quum euinceretur certè ciuis non erat Balbus. Igitur Cicero laborandū fuit, vt hoc Pompeio licuisse cōprobaret. Hic autem Gracchus negat Archiam socijs ciuitatibus ascriptū esse, ac proinde ius Ciuitatis Romanæ ei eripit. Tabulas Heractiensium publicas desiderat, domicilium Romæ eum habuisse, professumque negat, Censui Romanos requirit. Quibus omnibus diligenter Cicero respondet, nec de Archiæ ciuitate dubitandum esse docet. Argumenta ducta sunt à lege & testibus, quæ in Iudiciali genere plurimum commendantur. Sic enim in Topicis: Sed quoniam lege firmitus in cōtrouersijs disceptandis esse nihil debet, danda est opera, vt legem adiutricem & testem adhibeamus. Porro quia res per se satis sterilis, & inamœna erat, causam seu controuersiam, quā *ὁπότερις* vocant, ad propositū, vel, vt alij nominant, ad quæstiones ciuiles & philosopho cōuenientes, quæ dicitur *θίσις*, traducit. Ornātque causam & amplificat, præclaris illis locis comunibus de Poëticis studijs, & in vniuersum de humanioribus literis, de gloriæ cupiditate virtutisque mercede. Et hoc est quod in Oratore scripsit, & in Topicis præcepit, vt à proprijs personis atq; temporibus auocemus controuersiam, quia latius liceat dicere de genere, quàm de specie, et quod

in vniuerso probatum est, id in parte probatum esse necesse sit. Vt, si omnes literati sunt colendi & ciuitate donandi, maximè autem Poëtæ, propter huius artis diuinitatem: certè maximo honore erit afficiendus Archias horum studiorum commendatione clarissimus. Reliqua & copiosius & doctius ille, quem suprà laudaui. Genus autem dicendi in hac oratione est tenue, acutū, molle, tenerum, omnia docēs & dilucidiora nō ampliora faciens, aliquando tamen concinnius & ornatius, subtiliq; quadam & pressa oratione limatius. Addit enim subinde aliquos vt in corona toros, & orationem modicis verborū sententiarumq; ornamentis distinguit. Nonnullis id Atticum dicitur, multum tamen reclamante Cicerone. Magna est profectò suauitas & iucunditas huiusce orationis, qua citra vehementiores & turbulentiores motus leniter flectuntur animi, & quasi ducentem sequuntur Oratorē. Quemadmodum in picturis Apelleis illæ delectant multum; & suprà cæteras omnes arident, quæ tenuissimas maximeq; delicatas habent lineas. In eo genere apud Græcos principatū obtinet Lysias egregiè subtilis scriptor atq; elegās. Demetrius etiam Phalereus (idem enim vtrunque genus hic facio, etsi ille forsan tenuior) plurimum laudatur, cuius oratio cum sedatè placideque loquitur, tū illustrant eam quasi stellæ quædam translata verba atq; immutata. Apud Latinos vehementer & sanè nō satis commendantur Terentius, & Iulius Cæsar præstantissi-

mi proprietatis auctores. Apud hos locutio est emendata, latina, nitida, lenis, terfa, iucunda, suavis, amœna, deniq; talis vt si quid adideris aut mutaueris, aut detraxeris vitiosius ac deterius sit futurum. Quare studiosos omnes hortor & moneo, vt hos duos scriptores sibi familiarissimos habeant, nec vnquam scripta illorū de manibus deponant. Recentiorū nullum noui, qui sit aliquid veræ laudis in hoc genere cōsecutus, viuientium tamen nominibus parco. Eodem penè filo conscriptæ sunt à Cicerone epistolæ ad Atticum, inter alias enim, quas imperiti familiares nominant, nonnullæ magis assurgunt. Item Philosophici aliquot libri, maximè insignis ille de Amicitia, & de Officijs, vbi magnoperè horatur Cicero filium, vt nō solū orationes, sed hos etiam de Philosophia libros, qui iam se illis ferè æquarunt, studiosè legat. Vis dicendi, inquit, maior est in illis, sed hoc quoq; colendum est æquabile & temperatū orationis genus. Et id quidem nemini adhuc Græcorum video contigisse, vt idē in vtroq; genere laboraret, sequereturq; & illud forense dicendi, & hoc quietū disputandi genus. Porro Archie accusator Gracchus quidam fuit, homo sanè improbus qui Licinium ocio literario indulgentē, ac de vniuersa Italia ingenuarum artiū professione optimè merentem, in hoc discrimen ciuitatis amittendæ protraxerit. Nostri vero, hoc est, Poëtarum, immò literatorum omnium aduersarij qui sunt, obsecro, aut quales? Imperiti & ἀμύητοι homines,

mines, qui (quū vel alabaſter vnguētī plenus il-
lis puteat) iudicij quadam deprauatione, natu-
ræq; ſuæ improbitate, & rerum optimarum im-
peritia doctis faceſſunt negotium, nec ſolūm
τὴν δίκην verū etiam τὸν πόλεμον γράφουσι, hancq; v-
tiliſſimam literaturæ partē nefandis conuicijs
& calumnijs turpiſſimè contaminant. Sed iam
tempus eſt Ciceroni ad dicendum accincto nos
aures dare.

S I quid eſt in me ingenij Iudices,
quod ſentio quàm ſit exiguum: aut
ſi qua exercitatio dicendi, in qua me non
inficior mediocriter eſſe verſatum: aut ſi
huiusce rei ratio aliqua ab optimarū ar-
tiū ſtudijs, & diſciplina profecta, à qua
ego nullum confiteor ætatis meæ tempus
abhoruiſſe: earum rerum omnium vel
in primis hic A. Licinius fructum à me
repetere propè ſuo iure debet. Nam quo-
ad longiſſimè poteſt mens mei reſpicere
ſpatium præteriti temporis, & pueritiæ
memoriam recordari vltimam, inde vſ-
que repetens, hunc video mihi principē,

& ad suscipiendam, & ad ingrediendā
 rationē horum studiorū extitisse. Quod
 si hæc vox huius hortatu, præceptisq; cō-
 formata nonnullis aliquando saluti fuit,
 à quo id accepimus, quo cæteris opitula-
 ri, & alios seruare possemus, huic profe-
 cto ipsi, quantū est sitū in nobis, & opē,
 et salutē ferre debem⁹. Ac ne quis à nobis
 hoc ita dici forte miretur, qđ alia quædā
 in hoc facultas sit ingenij, neque hæc di-
 cendi ratio, aut disciplina: nec nos quidē
 huic cuncti studio penitus vnquam de-
 diti fuimus. etenim omnes artes quæ ad
 humanitatem pertinent, habent quoddā
 commune vinculum, & quasi cognatio-
 ne quadam inter se continentur. Sed ne
 cui vestrum mirum esse videatur, me in
 quæstione legitima, et in iudicio publico,
 cum res agatur apud Prætorem Po. Ro.
 lectissimum virū, & apud seuerissimos
 Iudices tanto conuentu hominum ac fre-
 quen-

quentia, hoc Vti genere dicendi, quod nō
 modo à consuetudine iudiciorum, verū-
 etiam à forensi sermone abhorreat: quæ-
 so à vobis, vt in hac causa mihi detis hāc
 veniam, accommodatam huic reo, vobis,
 quemadmodum spero, non molestam: Vt
 me pro summo Poëta, atque eruditissimo
 homine dicentem, hoc concursu hominū
 literatissimorū, hac vestra humanitate,
 hoc denique Prætoris exercente iudiciū,
 patiamini de studijs humanitatis ac lite-
 rarum paulò loqui liberius: & in eiusmodi
 persona, quæ propter otium ac studi-
 um minimè in iudicijs periculisq; tracta-
 ta est Vti propè nouo quodam & inusita-
 to genere dicendi. Quod si mihi à vobis
 tribui, concedique sentiam, perficiā pro-
 fecto, vt hunc A. Licinium non modò
 non segregandum, cū sit ciuis, à nume-
 ro ciuium: verumetiam, si non esset, pu-
 tetis asciscendum fuisse.

Totum hoc Proëmium dependet ex loco communi de referenda gratia. Quæ sanè ratio est optima certissimaq; conciliandæ auditorum beneuolentiæ. Quis enim illi non faueat, qui non vereatur quælibet discrimina iudiciorumque pericula subire, vt meritâ alicui gratiam persoluat, seque memorem accepti beneficij testetur? Solet hoc vbique Cicero diligenter obseruare principioque honestâ maxime suæ defensionis causam proponere. Sic in oratione pro Cornelio Balbo, vt grati animi officia exhiberet, ad dicendum se accessisse restatur, multis enim magnisque beneficijs Balbo obstrictus volebat videri. Principio orationis, inquit, hoc oppono, me omnibus qui amici fuerint salutis meæ & dignitati, si minus ad referendam gratiam satisfacere potuerim, ad prædicandam & habendam certè satis esse facturum. Sic autem hic agit Cicero. Decet vnumquenq; beneficiorum suorum fructum colligere. quemadmodum & alibi dixit: Liberale officium est, ferere beneficium, vt metere possis fructû, fidei conducit in loco debitum retribuere: illic enim animi voluntas propèsa comprobatur, hic memoria collaudatur. Igitur Archias suo iure huius eloquentiæ, quam informauit & instituit, mercedem potest reposcere. Hoc ita exprimit: Si quid est in me ingenij, si qua exercitatio dicendi, aut si huiusce rei ratio aliqua, id omne Archiæ

chia acceptum fero. Hanc autem periodum, ut patet, incremento illustravit, addidit enim Ingenium, Exercitationem, & rationē. Postea confirmat illud circumstantijs, idque brevissima circumductione, quod primus hic Ciceronem doctrinis, quibus puerilis ætas impertiri debet, erudierit. Nam quoad potest longissimè mens mea respicere. &c. Iam sequitur utriusque propositionis connexio, eamque loco à minori amplificat. Quod si hac dicendi facultate, quam ille præceptis informavit, nonnullis fui præsidio, multosque ex insidijs & periculis hac voce eripui, profecto, inquit, longè magis decet quicquid illud est, cuius auctor & princeps mihi extitit, ad Licinij salutem & opem conferre. Hæc Cicero. Ita & nos in hac concertatione: Si quid ingenio & industria (quæ tamen in nobis infra omnē mediocritatem esse agnosco) si quid exercitatione assidua, vehementique animi cōtentione (in qua me non inficior maximam ætatis meæ partem confecisse) in bonarum disciplinarum studijs sumus consecuti, earum omnium rerum fructum & quasi mercedem à nobis in præsentia reposcere propè suo iure debent Poëtæ. Quum enim diligentius apud me puerilium meorum studiorum rationem recolo, illiusque meæ institutionis memoriam recordor ultimā, inde usque repetens, quum primùm os tenerū & adhuc balbum magister figuraret, video eos mihi ad inchoanda & excolenda maiora studia principes & auctores extitisse. Incredibili enim rerum

rerum varietate, summa verborum suauitate & copia, admirabili rerum excogitandarum acumine, præcipua explicandarum animi conceptionū dexteritate, ita sum allectus & bonarum disciplinarū amore incensus, vt ab eo tempore nullum conuiescendi, intermittēdiq̃ue studij spatiū à me ipso impetrare potuerim. Quare, quicquid illud est quo plurimi per nos illustrantur, multorumq̃ue in Republica actiones & consilia, instituta magnis multisq̃ue præconijs ad cælū extolluntur, hoc certè totum nobis ad horum (ex quorum fontibus facultatē illā hausimus) patrocinium & commendationem, si volumus esse grati, conferre debemus. Cur enim Poëtas omnium meorum studiorum principes & auctores dicere verear, quum ipse Cicero Romanorum Oratorum Virgilius totam suę eloquentiæ & eruditionis facultatem ad illos reuocare non erubuerit? Certè Grammatica (quæ nisi omnibus alijs artibus fideliter fundamenta iecerit, quicquid superstruxeris corruet) professio diuiditur in duas partes à Quintiliano, rectè loquendi scientiam, & Poëtarum enarrationem, eoq̃ue plus habere dicitur in recessu, quam in fronte promittat, qua sanè in parte ab illis istis *μισανθρώποις* qui Poëtas criminantur, tam longè dissidet, quàm multum illi sibi videntur sapere. Ac ne quem noua hæc & insolita interpretandi ratio perturbet, vel orationis nostræ vehemētia offendat, quæso à Lectoribus vt hanc mihi veniam dent, vt pro summis Poëtis, eruditissimisq̃ue

misque hominibus dicentem, summa literatorum omnium expectatione, hac illorum humanitate, denique Hoppero totius nostræ contentionis iudice, patiantur de studijs humanitatis, ac literarum paulo loqui liberius, & in ea re, quæ tenui illo & laconico dicendi genere explicari non potest, uti maiore quadam & copiosiore orationis vbertate, atque adeo mihi adolescenti, qui & ætatis ardore, & ingenij celeritate forsan sum concitator, illud non denegandum putent: quod si tribui concedique mihi sensero, efficiam profecto, ut Regibus rerumque gubernatoribus non solum utilem, verum etiam necessariam esse Poëtarum lectionem uno omnes ore iudicioque confirment.

Si quid est in me ingenij] Modestia in Oratore, sui que ingenij & facundiæ eleuatio, mirifice hominum animos afficit, ut contra ostentatio, quæ quum in omnibus, tum maxime in Oratore est turpissima, grauiter offendit, & alienat. Ideoque periti harum rerum artifices initijs orationum solent sua extenuare, & quasi iudicum auxilium implorare, quod infirmos se, & contra agentium ingenijs impares ostendat. Huius generis, teste Fabio, fuerunt pleraque Messalæ procœmia. Et nostri etiam Ciceronis, qui quum fuerit alioqui magnus rerum à se gestarum iactor, eloquentiam tamen nunquam sibi immodice in dicendo arrogauit, quum eam summam concederet aduersariæ partis aduocatis. Ut in nobili illa oratione pro Quintio: Eloquentia, inquit,

quit, Qu. Hortensij ne me dicendo impediatur, nonnihil commoueor: Gratia S. Næuij ne P. Quintio noceat id vero non mediocriter pertimesco. Neque hoc tantopere querendū videretur, hæc summa in illis esse, si in nobis essent saltem mediocria. Verum ita se res habet, vt ego qui neque vsu satis & ingenio parum possum, cum patrono disertissimo comparer. Et paulò post. Ita quod mihi consuevit in cæteris causis esse adiumento, id quoque in hac causa deficit. Nam quo minus ingenio possum, subsidio mihi diligentiam comparauī. Et pro Cornelio Balbo vbidixisset causa meandē ab integerrimis, & exercitatissimis viris esse peractam, subiungit. Quæ sunt igitur meæ partes? auctoritatis tantæ quantam vos in me esse voluistis, vsus mediocris, ingenij minimè voluntati paris. Sed à suscepta nostra ratione non erit alienum, Quintiliani hac de re grauiter & planè Philosophicè disputantis verba adscribere. Sic igitur habet lib. II. cap. I. quod est de aptè dicendo. In primis omnis sui vitiosa iactatio est, eloquentiæ tamen in Oratore præcipuè, adfertque audientibus nō fastidium modò, sed plærunque etiam odium. Habet enim mens nostra natura sublime quiddam & erectum, & impatiens superioris. Ideoque abiectos aut submittentes se libenter alleuamus, quia hoc facere tanquam maiores videmur, & quoties discessit æmulatio, succedit humanitas. At qui se supra modū extollit, præmere ac despiciere creditur, nec tam se maiorem, quàm

quàm minores cæteros facere. Inde inuidēt humiliores: (nam hoc vitium est eorum, qui nec cedere volunt, nec possunt contendere) rident superiores, improbant boni. Hæc mihi propter sententiarum grauitatem dignissima sunt visa quæ ascriberentur.

Hic A. Licinius] Licinij vitam postea eleganter describit. Huius temporibus fuisse lego Chiliū & Theophanem Mitylenæum Poëtas nobiles. Cic. ad Att. lib. 1. Epigrammatis tuis quæ in Amaltheo posuisti cōtenti erimus, præsertim cū & Chilius nos reliquerit, & Archias nil de me scripserit. Item alibi: Velim te ex Theophane respicere quonā in me animo sit Arabarches. quo in loco Pompeium docti intelligūt. Siquidem Tacitus dicit eum inter intimos Pompei fuisse connumeratum, & satis constat quod res gestas illius Epico carmine fuisset complexus, à Pompeio in concione militum fuisse donatum ciuitate. tum quidē quum lege Gellia fuisset decretum, vt illi soli ciues haberentur, quibus ciuitatem fuisset impertitus Pompeius. vt postea dicetur.

Vltimam] id est, primam. Virgilius 2. *isq̃ue parentem*

Te Saturne refert: tu sanguinis Vltimus auctor.

Hic autem est dignissima obseruatione prima illa institutio, qua Ciceronis puerilis ætas est ad humanitatem informata, quæque primum, & quo modo iacta sint fundamenta tantæ eloquætiæ, quanta certè nunquam fuit. Magna est læ-

piusque agitata inter doctos contentio, nū primū pueris sit Poëtarum lectio proponenda. Contendunt alij non rectè illud fieri, quod nimiam illam verborum licentiam lasciuiaque inde assumunt, quæ in oratione soluta vitio datur. Plærique verò confirmant à Poëtis commo-
dissimè puerilia primū studia informari, id-
que esse vtile & iucundum. Ego multis hac in
re sententiam non interpono meam, breuiter
disputationis capita complectar. In primis igitur
vel Ciceronis nostri exemplo, quod omnibus
vt perfectissimam quandam Ideam propositum
esse volo, consultum erit puerorum aures
teneras & delicatas Poëtarum cantibus demul-
ceri, sic enim illa voluptate & orationis molli-
tie deliniti, longè promptiores & alacriores ad
reliquas studiorum partes ingrediendas & ex-
colendas se conferunt: & quod maximè est op-
tandum his studiorum blanditijs cōsequimur,
vt schola non aliud illis quàm ludus & amœna
quædam recreatio videatur. Adde quod dome-
sticum illum & familiarem sermonem maximè
purum & tersum è Comædijs exhauriunt, sen-
simque aures suas imbuunt grata illa numero-
rum suauitate: in personis decorē iam tū ob-
seruare, affectuum commouendorum rationes
in promptu habere assuescunt. Cicero quidem
in libris de Oratore copiosè docet verba propè
Poëtarū in Oratore esse debere; ideoque à Poë-
tis genus hoc forense alioqui incultum & hor-
ridum expoliri & ornari. Quintilianus etiam
peri-

peritissimus instituendi Oratoris artifex, nobis suffragatur, Virgilijque & Homeri lectionem præcedere, optimè institutum esse ait. Quo in genere tamen, si mihi à tanto viro nonnihil deflectere licet, Terentium præponi malim. Plautus enim doctiores & cautiore requirit auditores, tum propter verba, quæ multa sunt in illo vetusta & obsoleta, tum propter insignem multarum rerum obscuritatem, quæ ex antiquitatis aut rerum naturalium ignoratione plurimos impingere coëgit. Sunt igitur Ciceronis exemplo, & Fabij auctoritate & ratione ita iubente à Poëtarum lectione studiorum nostrorum velut crepundia deducenda.

Ac ne quis à nobis] Iam sequuntur duæ occupationes, quarum prior est quòd fortè posset quis mirari, qua ratione dicat, se Archiæ studio & cōsuetudine tantum in eloquentia profecisse, quàm Archias sit Poëta, plurimumque absit hoc forè se dicendi genus triste & coactum ab illa Poëticorum carminum suauitate & licetia. Hanc soluit loco communi de totius humanitatis nexu & cognatione. Altera verò præmunit & excusat nouum & inusitatum genus dicendi, quod à cōsuetudine iudiciorum forensique sermone plane abhorreat: eiusque rei causam ex circumstantijs elicit, quod de studijs humanitatis & literarum paulo loqui debeat liberius, quum tantus sit doctorum hominum concursus, quumque ipsi Iudices huic studiorum generi maximè sint addicti, & maximè in eius Rei defensione qui

nunquam incerta ista iudiciorum discrimina expertus, terreretur nouo illo & tetrico genere defensionis.

Etenim omnes artes] Præclarus est profectò dignissimusque explicatione hic locus, quem ex Platone desumpsit Cicero. Sic enim lib. 3. de Orat. Est etiam illa Platonis uera, & tibi Catule certè non inaudita vox, omnem doctrinam harum ingenuarum & humanarum artium vno quodam societatis vinculo contineri. Vbi enim perfecta vis est rationis eius, qua causæ rerum atque exitus cognoscuntur, mirus quidam omnium quasi consensus doctrinarum concentusque reperitur. Grammatica reliquis artibus viâ sternit & præmunit sine hac ne pedem quidem promouere quis in vllò disciplinarum genere potest. Equè necessariæ sunt eius cognatæ & cōsanguineæ, facultates intelligo benedicendi & differendi. Quis enim poterit animi sui concepta expromere, atque alijs dilucidè & apertè explicare absque illa disciplina, quam à dicendo *προτροπή* nominarunt? Quis inuenta sua comprobare, dicta confirmare, opposita diluere, obscura definire, intricata distinguere, citra Dialectices cognitionem? Huius ignoratione primas illas omnium artium præceptiones, quæ maximè distinctè & apertè edoceri debuérant, ita confusas & intricatas nobis literatores proposuerunt, vt mihi magis videantur Iuuentutem à discendo deterrire quàm docere, auctoresque tenebris magnis inuoluere, quàm illis lucem aliquam

quam adfetre. Adeò omnia sunt perturbata, cō-
 torta, & vt Græci loquuntur, ἀνακόλυθα, καὶ ἀσύμφο-
 να, καὶ ἀνανταπόδοτα, vt nihil magis defuisse illis a-
 pertū sit, quàm mentē, hoc est, necessariam hāc
 diuidendi artem, quàm iure Plato vocauit τῶν
 μαθημάτων θρεῖγων, id est, disciplinarum loricam &
 munitionē. Hac destituti qui se ad Iuris vel Me-
 dicinæ vel Theologiæ vel cuiuslibet doctrinæ
 studia conferunt, non minus videntur ridiculi,
 quam ille qui cribro puteum exhaurire conaba-
 tur, aut, vt lepidè dixit Simocratus, κοτύλη τὸ ἀτ-
 λαντικὸν ἅπαν ἐκροῖσθαι πύλαγον. De Iurisprudētia
 quis te melius, Hoppere, cuius in hoc genere
 extant præclara sanè, & erudita scripta, poterit
 iudicare? Nosti quàm luculenti sint & insignes
 illorum errores, qui sine Græcarum literarū, to-
 tiusque antiquitatis, & huius, quam tantopere
 celebramus, artis cognitione illotis, vt aiūt, ma-
 nibus hęc studia sūt aggressi. In Medicina qui
 præter hęc omnia, exactam rerum naturalium
 Mathematicarumque artium cognitionem nō
 attulerit, in plarisque omnibus miserè cogetur
 ἰδοπεῖν καὶ παραβλῆπειν. Extant quidē doctorum ho-
 minū hac in parte lucubrationes, quibus mul-
 tum subsidij possit studiosis adferri, at tantā est
 imperitorum hominum colluuiēs, vt nisi quis
 se his bonarum literarum fulcimentis præmu-
 nierit, necessario cum illis in eandem foueā pro-
 trahatur. De rebus Theologicis, taceo: notum
 est illud Saturniæ lemæ. Omnium verò harum
 disciplinarum, qui primas obtinent, & scripto-

res, & professores, è Poëtis carmina velut condimenta quædam mutantur, quibus tetricum illud & austerum genus orationis leniât & mitigent, lectorumque aures defessas, & rerû asperitate offensas recreent. Hinc videas Iurisperitos, Medicos, Theologos passim Poëtarum nostrorum versus aliquot suis scriptis inferere, hisque velut flosculis & luminibus mirandum in modum exultare. Neque vero puduit Platonē, Aristotelem, Galenum aliosque veteres philosophos dogmata sua Homeri, Hesiodi, Pindari cæterorumque Poëtarum auctoritate & testimonio corroborare. Porro mirificam illam disciplinarum omnium connexionem Poëtæ quoque nobis suis figmentis & inuolucris adumbrarunt. Siquidem quamuis nouē illis virginibus cuique suum peculiare attribuant *ἑνὴμα*, Clio enim, ut aiunt Rhetoricam, Euterpe tibiæ cantum, Thalia Comædiam, Melpomene Tragædiam, Terpsichore cytharæ sonum, Erato poësim, Polymnia Geometriam, Urania Astronomiā, Calliope versus inuenit, quæ omnia diuersa sunt & discrepantia, tamen ex istis vnâ compositis, cumulum quendam & aceruum conficiunt: quæ Græci *ἑγκυκλοπαιδείαν*, Quintilianus orbem doctrinæ vocat. Siquidem velut in circulum omnes disciplinæ voluuntur, & in se mutuo cōuertuntur, ut altera sine alterius præsidio nullo modo constare possit. Mutuis enim auxilijs hic stant omnia, quemadmodum ait Hippocrates: *τὰ μέρη τοῦ σώματος πάντα ἀλλήλοις εἶναι συμπαθῆ*. Huc allusit

allusit etiam Hesiodus, quum in Theogonia ait
 Mnemosinem nouem dierum concubitu Ioui
 peperisse *ἑννέα κόρας ὁμόφρονas*, nouē virgines v-
 nanimes. Recteque putat Io. Zetzes eius inter-
 pres apprimè eruditus & accuratus *ὅτι δαίκνυσσι*
τὰς λογικὰς ἐπισήμας ἀλλήλας ἐπικοινωνήσας. id est, sciē-
 tias omnes in ratione positas sibi vicissim om-
 nia communicare & impertiri. Veluti in Musi-
 ca omnis harmonia ex diuersarum vocū & dis-
 crepantium neruorum concordia existit, quæ
 omnia si diuulseris & distraxeris, iam perit illa
 suauitas cantus & delectatio. Adhibentur lyra,
 cythara, fistula, aliæq; instrumentorum species,
 quæ & si propriam & peculiarem quandam ob-
 tineant Musicam, tamen ex illa comuni velut
 conspiratione optimus quidam efficitur concē-
 tus: quod in disciplinis quoque accidit. Est igitur
 nobis satis accuratè, vt quidem fert præsens
 disputatio, in genere explicata illa periodus, de
 omnium artium societate, nūc & speciem, quæ
 ad hunc locum facit, discutiamus, propioremq;
 causam illius ex ipso Cicerone eliciamus: Est,
 inquit 1. de Orat. finitimus Oratori Poëta, nu-
 meris astrictior paulò, verborum autem licen-
 tia liberior, multis vero ornandi generibus so-
 cius ac penè par, in hoc quidē certè prope idē,
 nullis vt terminis circumscribat & definiat ius
 suum, quo minus ei liceat eadem illa facultatē
 & copiam vagari, qua velit. Et paulo post vbi in
 Oratore acumen Dialecticorum sentētias Phi-
 losophorum requirendas esse dixisset, adiūnxit

verba etiam prope Poëtarum. Ab his cōmouendorum affectuum ratio, numerus, decor plurimarumque rerum cognitio petitur. Itaque non solum propter communem illam & vniuersam omnium disciplinarum consensionem ac velut conspirationem Oratoris studia cōfirmat & alit Poëta, verū etiam propter proprias, & peculiare suas dotes. Quod verò ait, omnes artes quæ ad humanitatem pertinent: dignum mihi visum est hīc ascribi, quod etiam alij annotarūt ex Gellio, qui libro 13. cap. 15. Noct. Att. docet, Humanitatē non solum significare id quod Græcis dicitur *φιλανθρωπία*, & significat dexteritatem quandam benevolentiamque erga omnes homines promiscuam, sed etiam id propemodum quod Græci *παιδείαν*, nos eruditionem institutio nemque in bonas artes dicimus: vel quodd disciplina cura & scientia vni ex vniuersis animantibus sit homini data: vel quodd qui ingenium liberalibus artibus excoluerunt, ij sunt vel maxime humanissimi. Vnde illud venustimi Poëtæ: *Scilicet humanas didicisse fideliter artes*

Emollit mores, nec sinit esse feros. Et, Scilicet ingenium placida mollitur ab arte

Et studio mores conuenienter eunt.

Forēs, sermone] Qui est horridior & incultior, minusque amœnus & suavis: Hunc refractariolū vocat ad Att. lib. 2. vbi sic ait: Fuit enim mihi cōmodum, quod in eis orationibus, quæ Philippi cæ non nominantur, enituerit ille tuus ciuis Demosthenes, & quod se ab hoc refractariolo iudiciali dicendi

dicendi genere abiunxerit.

Iudicio publico] Est enim de iure ciuitatis quæ res maximè ad Rēpub. spectat sicut repetundarum, ambitus, maiestatis & similes causæ. Extat etiam titulus apud Valerium Max. lib. 8. de iudicijs priuatis.

Hoc concursu hominum literatissimorum] Conue- rant enim eò ferè omnes illi, qui bonarum literarū studijs erant addicti, quòd non solùm Archiæ, verumetiam literarum literatorumque omnium causa agi videretur.

Quod si mihi à vobis] Conclusio est exordij, qua reddit attētos auditores. Sic pro Cornelio Balbo. Hic ego nunc coner sic agere, Iudices, non esse fas dubitari, quin quòd Cn. Pompeiū fecisse constitit, id non solùm decuisse, sed etiam debuisse fateamur.

*Nam vt primum ex pueris excessit Archias, atque ab his artibus quibus ætas puerilis ad humanitatem informari solet, se ad scribendi studium contulit: primum Antiochiæ (nam ibi natus est, loco nobili, & celebri quondam Vrbe & copiosa, atque eruditissimis hominibus, liberalissimisque studijs affluenti) ce-
riter antecellere omnibus ingenij gloria*

contigit. Pòst in cæteris Asiæ partibus, cunctaq; Græciæ, sic aduentus eius celebrabatur, vt famã ingenij expectatio hominis, expectationem, ipsius aduentus admiratioq; superaret. Erat Italia tunc plena Græcarum artium ac disciplinarum, studiaq; hæc & in Latio tum vehementius colebantur, quàm nunc iisdẽ in oppidis, & hic Romæ propter tranquillitatem Reip. nō negligebantur. Itaque hunc & Tarentini, & Rhegini & Neapolitani ciuitate, cæterisque præmijs donarunt, & omnes qui aliquid de ingenijs poterāt iudicare, cognitione atque hospitio dignum existimarunt. Hac tanta celebrataue famæ cum esset iam absentibus notus, Romam venit Mario cōsule & Catulo. nactus est primum Consules eos, quorum alter res ad scribendū maximas alter cū res gestas, tū etiā studiū, atque aures adhibere posset. statim

Lucul-

Luculli, cum prætextatus etiam tum Archias esset, eum domum suam receperūt. Sed enim hoc non solum ingenij ac literarum, verum etiam naturæ atque virtutis fuit, ut domus quæ huius adolescentiæ prima fuerit, eadem esset familiarissima senectuti.

NARRATIO est mirè elegans, pura, simplex, & satis amœna ac historicè similis qua mores, vitam, studia Archiæ breuiter describit. Rē autem à prima eius ætate repetit, in qua quoque mirabiles ad virtutem & omnem honestatem motus enarrat, ut Iudicum beneuolentiam illi conciliet. Post, qua ratione iam paululum ætate prouectior, in Italiam in qua Græca tum primū studia vigeant, se contulerit, & à Tarentinis, Rheginis, Neapolitanis honorificè hospitio exceptus fuerit, & ab Heracliensibus ciuitate donatus. Vbi tota contentio sita est. Quam paucis legum & testium (ut iam diximus) auctoritate discutit.

Ex pueris] Sic dicunt Græci ἐκ παίδων. Xenophō: ἐκείνη ἐκ παίδων ἵς ἡβαν ἀγμῶτο. postquam à pueritia ad pubertatem peruenisset.

Primum Antiochia] Antiochia ciuitas est Syriæ nobilissima clarissimaque, & omni rerum copia instructissima. Huius tamen facit mentionē satis

satis leuiter Strabo. Meminit & Procopius lib. 1. de bello Persico. Et Ammianus Marcellinus lib. 14. vbi vicinas vrbes enumerat. Est alia eiusdem nominis ciuitas quæ Antiochia Mygdonica est appellata, à Barbaris Nisibis dicitur, eam Plutarchus in Lucullo dicit & opibus & hominum multitudine fuisse valde opulentam. facit & illius mentionem Strabo lib. 16. & 11. scribitque eam sitam sub Masio monte, qui ab Austro in Mesopotamia Mygdonibus imminet.

Plena Græcarum artium] Ex Græcia tanquam ex vberissimo omnis sapientiæ fonte disciplinæ omnes in Italiam profluxerunt. Vnde & alibi ait Cic. Sed sint ista Græcorum, ab his enim Philosophiam & humaniores artes accepimus. Quamquam hac in re parum sibi cōstat Cicero, vt abundè docuimus in ea oratione quam de Græcarū literarum studijs conscripsimus.

Propter tranquillitatem Reipub.] Veteres enim illi Romani, homines inculti & verè ferrei, multis magnisque bellis districti rei militaris maximam, literarum penitus nullam habuerunt rationem aut disciplinam. Hostē ferire, ictum auertere, vineas promouere, hastam vibrare, oppida expugnare, denique fortiter belli munia obire pulchrum & honorificum Romanoque dignissimū habebatur. at orationē eleganter cōtexere, bellum & suaue carmen pāgere, astrorum cursus obseruare, rerum naturalium causas indagare, mollis, effœminati & degeneris ducebatur. Tota hominum existimatio, omnis
præstan-

præstantium virorum gloria ex vna illa militari disciplina pendebat. Ideò serius Poëticam bonasque omnes disciplinas à Græcis acceperunt. Poëtas verò etiam fuisse illis odiosos satis declarat oratio Catonis, in qua obiecit vt probrum Marco Nobiliori, quod in prouinciã Poëtas duxisset, quos & grassatores fuisse vocatos, ab eodem Catone puto annotatum. Hæc etiam attingit Horatius eleganti illa Epistola ad Augustũ de Poëticis studijs:

*Græcia capta ferum victorem cepit, et artes
Intulit agresti Latio. sic horridus ille
Defluxit numerus Saturnius, et graue virus
Munditia pepulere. sed in longum tamen æuum
Manserunt hodieq; manent vestigia ruris.
Serus enim Græcus admouit acumina chartis,
Et post Punica bella quietus, querere cœpit
Quid Sophocles et Theſpis, et Aeschilus vtile ferrêt.*

Igitur sedatis compositisq; bellis, quum Romani ocio & pace fruerentur, minusque bellica studia, vt accidit in publica tranquillitate, florent, contulerunt se ad excolendas & exipien-
das Græcas istas disciplinas, quo tempore se Licinius commodissime in Italiam contulit.

Tarentini, Rhegini] Sunt hi omnes populi in maiore Græcia, hoc est, in Calabria & Campania ad oram maritimam versus Siciliam, vbi & hodie est Neapolis, quæ & Parthenope vocatur. Porro iure ciuili Romanorum duarum ciuitatũ esse ciuis nemo poterat, vt docet Cicero in Orat. pro Cornelio Balbo, & pro A. Cecinna, aliarum

rum verò ciuitatum iure poterat quis plurimis ciuitatibus ascribi. De iure ciuitatis si quis cupiat aliquid cognoscere, legat orationē pro Ciccinna, & Balbo, & Alexandrū ab Alexandro lib. genialium dierum 4. cap. 10. Sunt autem obseruandæ locutiones istæ: Asciscere ciuem, ciuitate donare, in ciuitatē recipere, ciuitate excipere, in ciuitatē suscipere, largiri ciuitatē alicui, impartire ciuitatē cuipiā, dicare se in aliquā ciuitatē, furari ciuitatē, ciuitate immutari, amittere, perdere ciuitatē, & reliquæ quæ hic passim occurrūt. *Cognitione*] Notandum hic cognitione pro notitia dici, quod rarius apud Ciceronem reperitur. Alioqui notum est, cognitionem esse peritiā & scientiam, vt, Cornelius Valerius multarum artium cognitione instructissimus. Dicitur & dies cognitionis, id est, iudicij, quū de causa debet cognosci.

Mario Consule et Catulo] Plutarchus in Mario ait, quartum Consulatum Mariū gessisse cum Qu. Luctatio Catulo, cui astipulantur Florus, Calsiodorus & Plinius lib. 17. capite 1. Id putat accidisse Glareanus anno ab vrbe condita 652. à quo tamen dissidet, vt in plærisque omnibus, Sigonius, qui inde demit quadriennium, Consulatumque illū annumerat anno 648. De Marij rebus gestis vide Plutarchū in eius vita. De Catulo sic Tullius in libro de Claris Oratoribus. Iam Qu. Catulus non antiquo illo more, sed hoc nostro, nisi quid fieri potest perfectius, eruditus, multæ literæ, summa non vitæ solum atque

atque Naturæ, sed orationis etiam comitas, non corrupta quædā latini sermonis integritas, quæ perspicitur cum ex orationibus eius potest, tum facillimè ex eo libro quem de Consulatu, & de rebus gestis suis conscriptum molli & Xenophonteio genere sermonis misit ad A. Furium Potrā familiarem suum. facit & eius admodum honorificam mentionem in libris de Oratore, ut constet Oratorem fuisse admodum elegantē & purum, quare non mirū si studiosè & amanter sit persecutus Liciniū. Quis enim bonis literis & politus, horridāq; illā barbariē exutus nō Poteris cupidè & libèter aures ac studium adhibeat? *statim Luculli*] L. & M. De Luculli studio & benevolentia in omnes doctos, quū plurima adducit Plutarchus in eius vita, tum illa sunt commemoratione dignissima quæ hic appingam, ut Veterum Romanorum insignem humanitatem & φιλοματίαν, studiosi conspiciant & admirētur. L. Lucullus plurimos pulcherrimeque scriptos coëgit libros, quorum profectò vsus maiorem sibi quam ipsa professio gloriā vendicabat. Studioso enim cuique & bibliothecæ & quæ circa eas erant scholæ atq; deambulacra liberè perpetuoque patebant. quò se Græci, cum per ociū licuisset velut in amœnissimum quoddam Musarum diuersorium, conferre solebant: ibi loquendo, legendo, disputando, diem iucundè terebant. Et Lucullus plærunque ubi eruditissimos viros disputare vidisset, eò se potissimum ingerebat. Si qua etiā ope illis in Repub.

opus

opis fuisset, auctore Lucullo, quamprimùm affectuebantur, ut vix credibile sit quod fuit illud quântumve in Græcos homines studium atque humanitas, fouebat eos, colebat eos, conuiuij excipiebat eos, & proprios Lares liberâ Græcorum Romam venientium aulam faciebat. Ab huius moribus, Dij boni, quàm longè absunt Principes nostri & Magnates?

Prætextatus] Prætexta fuit vestis nobiliû & ingenuorum puerorum apud Romanos, quâ Patritij etiam purpuream induebant, fuitque prima ineuntis ætatis commendatio. hac utebatur nâsculi vsque ad annum ætatis decimum septimum, quo tempore togam puram seu virilẽ induebant, puellæ vero quoad nuberent.

Naturæ atque virtutis] Nam nisi singularem in eo probitatem, eximiamque morum integritatem deprehendissent Luculli, eum nõ ad extremam vsque senectutem fouissent. Solemus autem plærunque ob celebrem ingenij & eruditionis famam plurimorum colloquia & consuetudinem expetere, quorum ubi postea penitus mores & animum cogitationesque introspecerimus, conuictum horremus. Tantus est impostorû fucus, & plærunq; eximijs virtutibus ingentia vitia obteguntur, quæ tandẽ natura cogente in lucem prorumpunt.

Erat temporibus illis incundus Qu. Metello illi Numidico, & eius Pio filio.
audie-

audiebatur à M. Æmilio, viuebat cum
 Qu. Catulo & patre & filio, à L. Crasso
 colebatur. Lucullos verò & Drusum,
 & Octauios, & Catonem, & totã Hor-
 tensiorum domum deuinctam consuetu-
 dine cū teneret, afficiebatur summo ho-
 nore, quòd eum non solum colebant qui
 aliquid percipere, aut audire studebant,
 verumetiam, si qui forte simulabant. In-
 terim longo satis interuallo, cum esset cū
 L. Lucullo in Siciliam profectus, & cū
 ex ea prouincia cum eodem Lucullo de-
 cederet, venit Heracleam. Quæ cum es-
 set ciuitas æquissimo iure ac fœdere, a-
 scribi se in eam ciuitatem voluit. idque,
 cum ipse per se dignus putaretur, tū au-
 ctoritate & gratia Luculli ab Heracliē-
 sibus impetrauit. Data est ciuitas Syl-
 lani lege & Carbonis, si qui fœderatis ci-
 uitatibus ascripti fuissent: si tū, cum lex
 ferebatur, In Italia domicilium habuis-
 senti

*sent: & si sexaginta diebus apud Præ-
torem essent professi. Cum hic domiciliū
Romæ multos iam annos haberet, profes-
sus est apud Prætorem Qu. Metellum fa-
miliarissimum suum. si nihil aliud, nisi
de ciuitate ac lege dicimus, nihil dico am-
plius, causa dicta est.*

Iucundus] quod plus est quàm gratus. Multa e-
nim sunt grata, quæ non iucunda, at contra, ni-
hil iucundum esse potest, quòd non sit gratum.
Cic. ad Att. Veritas quidem etsi non iucunda,
tamen semper grata fuit.

M. Aemilio] Scauro. Fuit is princeps Senatus
vir magnæ auctoritatis & religionis. facit illius
mentionem. Cicero in Oratione pro Scauro e-
ius filio, Non enim tantum admiratus sum ego
illum virum sicut omnes, sed etiam præcipuè di-
lexi. Primus enim me flagrantē studio laudis in
spem impulit posse virtute sine præsidio fortu-
næ quo contendissem labore & constantia per-
uenire. Lucius Crassus fuit eloquentia clarissi-
mus, & fori, vt ille curiæ, princeps.

Venit Heracleam] Heraclea ciuitas est in ea par-
te Italiæ quæ magna Græcia appellabatur, vbi
Tarétum, Rhegyum & cæteræ quas paulo ante
nominauit. Eam prius dictā fuisse Troiam, sed
postea inductis colonijs Tarentinorū Heracleā
appel-

appellatam scribit Strabo. Aristoteles tamē in li-
bello περὶ θαυμασίαν ακουσμάτων, si modo Aristote-
telis est, ait, μετὰ τὸ παραλαβεῖν τὴν ταραντίνην ἡρά-
κλειαν τὸν τόπον καλεῖσθαι, hoc est, locū illum post-
quā Tarentinos exceperant fuisse Heracleam
appellatum, qui antea πλεῖον (foran à nauigandi
opportunitate) ab Ionibus; & primo ab incolis
εἰγῶν est dictus.

Non opinari] Leuiter enim plærunque opinio-
nes à rei veritate planè alienæ cōcipiuntur; hic
autem Cicero videtur indicare ὑπορίαν quæ illi
opinionū incertitudini opponitur. De ea egre-
giè philosophatur Arist. lib. 2. τῶν μετὰ τὰ φυσικά.

*Quid enim horum infirmari Gracche
potest? Heracleane esse eum ascriptū ne-
gabis? Adest vir summa auctoritate, &
religione, & fide, L. Lucullus, qui se nō
opinari, sed scire: non audiuisse, sed vi-
disse: non interfuisse, sed egisse dicit. Ad-
sunt Heraclienses legati, nobilissimi ho-
mines, qui huius iudicij causa, cum man-
datis & cū publico testimonio venerūt,
qui hunc ascriptū Heracliensem dicunt.
Hic tu tabulas desyderas Heracliensiu.*

publicas, quas Italico bello incenso tabulario interisse scimus omnes. Est ridiculū ad ea quæ habemus nihil dicere, quærere quæ habere non possumus: & de hominum memoria tacere, literarū memoriam flagitare: & cum habeas amplissimi viri religionem, integerrimi municipij iusiurandum fidemq̃, ea quæ depravari nullo modo possunt, repudiare: tabulas quas idem dices solere corrumpi, desiderare. At domicilium Romæ nō habuit is qui tot annis ante ciuitatem datam, sedem omnium rerum ac fortunarum suarum Romæ collocauit, At non est professus immò vero his tabulis professus, quæ solæ ex illa professione collegioq̃ Prætorum obtinent publicarum tabularū auctoritatem. Nam cum Appij tabulæ negligentius asseruatae dicerentur, Gabini, quamdiu incolumis fuit, leuitas: post damnationem, calamitas, omnem tabula

rum

rum fidē resignasset: Metellus homo sanctissimus, modestissimusque omnium, tāta diligentia fuit, vt ad L. Lentulum Prætorem, & ad Iudices venerit, & vnius nominis litura se commotum esse dixerit.

Ad sunt Heraclienses legati] Locus est à testibus, qui procul dubio in hoc genere multū potest. Sic pro Cornelio Balbo. Atque hanc, Iudices, non à me fingi orationem, sed me dicere quæ Gaditani iudicarint res ipsa declarat. proferam testes, proferam legatos, excitabo laudatores, ad hoc iudicium summos homines ac nobilissimos deprecatores huius periculi missos videntis. Itaq; & ad sunt principes ciuitatis, & defendunt amore vt suum ciuem, testimonio vt nostrum, officio vt nobilissimum & sanctissimum hospitem; studio vt diligentissimum defensorē commodorum suorum. Rectē autem dixit vir summa religione & fide. Testem enim oportet exploratē esse fidei & integritatis, nullaque infamiae nota aspersum, alioqui nulla eius habenda erit ratio.

Hic tu tabulas] Testibus se superatum non fatebatur Gracchus. oportebat quum Archias esset ciuis Heracliensium, eius nomen in tabulis publicis extare, incendio autem conflagrant ille,

ideo non posse proferri demonstrat Cicero, acutè autem & ingeniosè addit illud, Etiam si extarent tabulæ illæ tamen non est quod eas à nobis requirās. Id probat à fine, Tabulæ publicæ in eum vsum & finem conficiuntur, vt de rebus superiorum atatum posteritatem moneant, prætoriorumque memoriam conseruent: ideo in illis rebus proferuntur, quæ propter vetustatē alta sunt obliuione inuolutæ, at de Archiæ ciuitate recens est hominum memoria, quid igitur necesse est eam à tabulis repetere? Ad hæc, possunt illæ corrumpi, quod etiam aduersarius asseruerat, integritas autem & bonorum virorum fides nullo modo potest labefactari.

Municipij] De Municipio vide Alexandrum ab Alexandro loco eo quem supra ascripsimus. & Gellium lib. 16. cap. 13.

At domicilium] Ironicas ista dicuntur. Est enim absurdum & ab omni ratione alienum, eum qui vitæ suæ certam Romæ sedem fixerit, ibique ætatem omnem transigere decreuerit, domiciliū sibi non comparasse. Vel etiam cum interrogatione legendum hoc erit, An domicilium, &c.

His tabulis professus] Docet etiam professum esse Liciniū hoc est, nomē suū edidisse, & in tabulas publicas ascribi curasse, quod requirebat lex: atq; adeo nō his tabulis professum, quæ propter leuitatē & negligētiam Prætorū (qua plurimi furim in eas irrepserāt, seq; falso ciues vēdicabāt) in publicis iudicijs nullā auctoritatē habebant; quibusq; nusquā fides adhibebatur, sed in illis
quæ

quæ diligentissimè erant seruata à Metello homine sanctissimo & incorruptissimo. Hunc autem credo esse Q. Metellum de quo sic habet Cicero pro Cornelio Balbo. Cum Qu. Metellus L. F. causam de pecunijs repetundis diceret, ille, ille vir cui patrie sal^o dulcior, quam conspectus fuit, qui de ciuitate decedere, quam de sententia maluit. hoc igitur causam dicente, cum ipsius tabula circumferretur inspiciendi nominis causa, fuisse Iudicem ex illis equitibus Romanis grauissimis viris neminem, quin remoueret oculos, & se totum auerteret, ne forte quod ille in publicas tabulas retulisset, dubitasse quisquam verumne an falsum esset videretur. Subnectit postea non dissimilem historiam de quodam Græco, is fuit Xenocrates, ut ipse Cicero scribit ad Atticum, & Valerius Maximus nominat. quem Græci testimonium ferentem iurare prohibuerunt.

His igitur tabulis nullam lituram in nomine A. Licinij videtis. quæ cum ita sint, quid est quod de eius ciuitate dubitetis, præsertim cum alijs quoque in ciuitatibus fuerit ascriptus? Etenim cum mediocribus multis, & aut nulla, aut humili aliqua arte præditis gratuito ciuitatem in Græcia homines impertiebantur, Rhe-


ginos, credo, aut Locrenses, aut Neapolitanos aut Tarentinos quod senicis artificibus largiri solebant, id huic summa ingenij prædito gloria noluisse? Quid? cum cæteri non modo post ciuitatem datam, sed etiam post legem Papiam, aliquo modo in eorum municipiorum tabulas irrepererunt: hic qui nec utitur quidem illis, in quibus est scriptus, quod semper se Heracliensem esse voluit, reijcietur? Censum nostros requiris, scilicet est enim obscurum proximis Censoribus, hunc cum clarissimo Imperatore L. Lucullo apud exercitum fuisse: superioribus, cum eodẽ Quæstore fuisse in Asia: primis Iulio & Crasso, nullam populi partem esse cẽsam. Sed quoniam census non ius ciuitatis cõfirmat, ac tantummodo indicat, eũ, qui sit census, ita se iam tum gessisse pro ciue: his temporibus quæ tu criminaris, ne ipsius quidẽ iudicio in ciuiũ Rom. iure esse

se versatū et testamētū sēpē fecit nostris legib⁹, et adiit hereditates ciuiū Romano rū & in beneficijs ad ærariū est delat⁹ à L. Lucullo Prætorē & cōsule. Quare argumēta, si qua potes. nunq̃ enim hic neq; suo, neque amicorum iudicio reuincetur.

Etenim cum mediocribus] Etiam si de Heraclien-
sium ciuitate controuersia esset, quæ iam est di-
scussa, tamen & alijs quoque ciuitatibus est a-
scriptus. Siquidem quum Græci obscuros & i-
gnobiles homines, humilioribusq; artibus præ-
ditos ciuitate donarent, veri non est simile fuisse
hoc honoris denegatum præstantissimo &
omni humanitatis genere politissimo Archiæ
Poætæ. Illa verò Græcorum facilitas vel potius
leuitas in largienda ciuitate vel hinc facile de-
prehenditur quod Athenienses Aristonicū Ca-
rystium, qui cum Alexandro pila ludere solebat,
ob artē pilæ (vt ait Athenæus lib. 1. Dyphoso)
ciuem fecerunt, & statuam insuper ei erexerunt.
idem etiam ex Alexidis Comici versibus, qui a-
pud Athenæum quoq; lib. 3. sic leguntur.

Τῆς καὶ φιλοῦ δ' ἡεὶς ἀθηναίου, ὅτι
Εἰσήγαγε τὰς ἰσχύας οὐκ ἀτιμολόγητος
Ἰδὼν ἐπὶ τῶν ἰππῶν, δύο σκόμβρους ἔφη
Εν ταῖς σάτυροις εἶναι.

Quod scenicis artibus] Apud Romanos quidem
ciuitate donati debebāt illiberalibus illis & ab-
iectis



iectis artibus, quæ ciue Romano indignæ videbantur, abstinere, cultumq; & mores Romanorum immo etiam nomina, qualia sunt illa veterum & illustrinum familiarum, assumere. Quod in alijs ciuitatibus fuisse seruatum non legi.

In Gracia] maiore, cuius descriptionem vide apud Strabonem lib. 6.

Post legem Papiam] Quum ius ciuitatis Romæ temerè nullaque personarum habita ratione viliissimis quibusque concederetur, quod contra maiestatem populi romani esse videbatur. Lege Papia cautum est, ne peregrini & alienigenæ ciuitatis Romanæ iura possent assequi, hacq; ratione illis etiam aditus ad omnes honores præcludebatur. Eandem legem antea tulerat Petronius, quam iniquam esse & inhumanam sic scribit Cicero lib. 3. Officiorum. Malè qui peregrinos vrbibus vti prohibent, eosque exterminant, vt Petronius apud patres nostros fecit, Papius nuper. Nam vrbis vsu prohibere peregrinos, sanè inhumanum est. Putat Vlricus Zasius legem hanc Papiam latam esse paulo ante Gracchana tempora: quod falsum esse satis docet ipsa temporum series. Tulit hanc igitur C. Papius Tribunus plebis Cotta & Manlio Coss. id est anno ciuitatis DCXXCIIIX. Neminè autè esse puto, qui ignoret ea quæ à Tribunis plebis essent sancita etià legum nomen obtinuisse. Cic. ad Att. lib. 3. In altera epistola præter consuetudinem tuam diè non ascribis, sed satis significas tempus. lege enim ab octo Tribunis plebis promulgata scribis

scribis te eas literas eo ipso die dedisse.

In tabulas irrepserunt] Vel Prætorum negligentia, vel eorundem dolo in tabulis publicis clanculum nomen suū ascribi curauerunt. Cic. pro Balbo, Non enim furatus esse ciuitatem, non genus suum eimentitus, nō aliquo impudenti mendacio delituisse, non irrepsisse in cēsum dicitur. *Census nostros*] Censores apud Romanos quinto quoq; anno capita ciuium Romanorum censere soliti erant. Asconius, Quinque annorum spacio instaurari solet census apud Censores, quorum administratio per lustrum hoc est per quinquennium tenditur. Soli autem ciues censabantur, ideoque etiam censu libertate donari seruos testis est Cicero. Legis autem Censoriæ verba hæc fuerunt: Censores populi soboles familiasque censento, pecuniasque vrbis, templas, ærarium, vectigalia tuento, Populi que partes in tribus distribuunto, cœlibes esse prohibe to, mores populi regunto, probrum in Senatu ne relinquũto, bini sunt, Magistratũ quinque niũ habento, reliqui Magistratus annui sunt, ea que potestas semper esto. De his plura qui de Magistratibus Romanorum scripserunt.

Quæres à nobis Gracche, cur tantopere hoc homine delectemur. Quia suppetat nobis vbi & animus ex hoc forensi strepitu reficiatur, & aures conuitio defes-

defessæ cōquiescant. An tu existimas aut
 suppetere nobis posse quod quotidie dica-
 mus in tanta varietate rerum, nisi ani-
 mos nostros doctrina excolamus: aut fer-
 re animos tantam posse contentionem,
 nisi eos doctrina eadem relaxemus? Ego
 vero fateor me his studijs esse deditum,
 cæteros pudeat, si qui ita se literis abdide-
 runt, ut nihil possint ex his neque ad cō-
 munem asferre fructum, neque in aspe-
 ctum, lucemq; proferre, Me autē quid pu-
 deat, qui tot annos ita viuo Indices, ut
 ab illis nullo vnquam me tēpore aut com-
 modum, aut otium meum abstraxerit,
 aut voluptas auocarit, aut denique som-
 nus retardarit.

Quæres à nobis] Causa hæc per se tenuis erat &
 exigua; siquidem vbi probasset circumstantias
 illas quibus lex Syllani & Carbonis contineba-
 tur, Archiam ciuem esse probauerat, illique ciui-
 tatis iura attribuerat. Illud enim erat solum *ἐν*
ὅπῳ in quo discutiendō totum esse oportebat:
 quod vbi diligēter & accuratē fecit, digres-
 sionem

sionem adiungit amplificandæ & ornandæ causæ gratia, quod sæpè & libenter fecit aliàs. hinc illa pro C. Cornelio copiosa & elegans virtutū C. Pompei commendatio. Quæ quidem extrarēm fuit, sed tamen ad vtilitatem causæ pertinebat. Omnis enim *παρίστασις* tantum debet cum causâ cognitionis habere, vt ex ea planè dependere videatur. Alioquin quid aliud quàm tēdiū molestiamque auditori potest adferre? Ideoq; rectè dixit Fabius hoc expatiandi genere vel maximè illustrari ornarique orationem, sed si coheret & sequitur, non si per vim conetur, & quæ natura iuncta erant distrahat. Hic autem, bone Deus, quàm ingeniosè captat occasionem attingendi locum illum communem? dicas Cicero-nem orationis cursu eò compelli, nec posse locum hunc nisi abrupta malè oratione præterni-ti. Quum ea omnia refutasset quæ Gracchus obiecerat, iamq; causa omnibus sui partibus probè esset munita, aduersarium vrget, & illudit, il-lique quum vehementius instaret, Sed quæres, inquit, à nobis Gracche cur tantoperè hoc ho-mine delectemur? quia suppeditat nobis vbi & animus ex hoc forensi strepitu reficiatur, & au-res conuitio defessæ conquiescāt. Hic certè po-terest commodè in horum studiorum commen-dationem excurrere, multaque in hanc partem & *ὑμῶν* & *ἐκείνῳ* attexere, quod tanta arte præsti-tit, vt nihil magis accommodè dici potuisse vi-deatur.

Quia suppeditat nobis] Peruenimus tandem ad
cum

eum locum cuius potissimum gratia orationē hanc explicandam desumpsimus, is est Poëtarū lectionem Principibus summisq; viris nō vtilē modo, verum etiam necessariam esse, quem nūc explicare non fuerit inutilis aut superuacaneæ operæ. Nos tamē in hac disputatione humaniorum artium commendationem attexentes rem altius non repetemus, quod hanc partem pluri mi doctis & eruditis scriptis sint persecuti, illā verò paucissimi vel attigerint vel cōprobarint: de Poëticiis tantū studijs breuiter &, vt propositæ cōmētationis ratio feret, accuratē agemus. In primis igitur nobis sunt innumera fortissimorum virorum exēpla, à Græcis & Latinis scriptoribus, maximē autem Poëtis, ad imitandum proposita, quibus Principum animi in administranda Repub. conformantur & ad gloriam & honestatem excitantur. Quemadmodum de Iulio Cæsare legimus, quod cū ad Alexandri Magni sepulchrum peruenisset, grauiter ingemuit lacrymasque emisit quod ea ætate qua ille orbē terrarum subegisset, nihil commemoratione dignum fecisse sibi videretur. Itaque tanti ducis cogitatione ad laudem & gloriam tanto impetu contendit, vt eum etiam superasse, albisque, vt aiunt, equis præcessisse dicatur. At ille idem Alexander diuinum Homerum omnium suarū expeditionum comitem esse voluit, vtpote præstantissimum fortitudinis, moderationis, decoris, morum, virtutumque omnium doctorem, cuius præceptis cum eo gloriæ se peruenisse videret,

deret, quò forsan antea nemo, nec se meritâ illi gratiam habere posse, scrinium Darij Persarum Regis admirabili arte constructum, multoque auro ac gemmis preciosum, horû librorum custodia dedit. Hos ita adamauit, coluit, admiratus est, vt semper dormiens puluino subiectos cum gladio habuisse dicatur. Quâ in re prudentissimus Princeps, vt in alijs omnibus incredibilem est laudem consecutus. Homerum enim dum gladio adiungeret, rationis imperio voluit iram compesci & frænari. Nimirum rectè intellexit illud Iliados α. de Pallade Achillê furibundum iamque manus illaturum Agamennoni reuocante. Sed iam de Homero Virgilioq; Poëtarum apud Græcos Latinosq; Principibus dicamus. Quàm eleganter, quàm accuratè, quàm expressè hominum mores, cogitationes, instituta, consilia, fraudes, dolos, actiones, rerum, casuum, euentorum, imitationes, varietates, discrimina depingunt & ob oculos intuenda proponunt? Quàm ingeniosè & vrbane Magistratuû, officiorum, functionum, dignitatum, honorum ordines & distinctiones obseruant? Quid est in humana societate & ciuili cœtu, diuersisque hominum, ætatum, sexuum ordinibus, quod non omnibus partibus absolutû nobis effinxerint? Omnia Politix & Virtutis vestigia non adumbrata, sed ita ad viuû sunt ab illis expressa, vt rectissimè de Homero dixerit Horat.

*Qui quid sit pulchrû, quid turpe, quid vtile, quid nò
Plenus ac melius Chrysippo et Crantore dicit.*

De optimo Reipub. statu quicquid postea ver-
bose & perplexè sunt persecuti Plato, Aristote-
les, cæterique Philosophi, en tribus versiculis
harum rerum peritissimus complectitur Vlyf-
ses, Ili. β.

Οὐκ ἀγαθὸν πολυκοιρανίη. εἰς κοίρανος ἔστω
Εἰς βασιλεὺς. ὃ ἴδωκε κρόνε παῖς ἀγκυλομήτιω
Σκῆπτρον τ' ἢ δὲ θέμιστας, ἵνα σφίσι βασιλεύῃ.

At quam egregiè ibidem philosophatur Vlyf-
ses, dùm ait imperium hominibus à Deo con-
cessum esse, Regesque illi curæ esse, quod e-
tiam dixit D. Paulus.

Θυμὸς δὲ μέγας ἐστὶ διοτρεφέος βασιλῆος
Τιμὴ δ' ἐκ δῖος ἐστὶ. φιλοὶ δὲ ἐμνητίετα ξεύς.

Principis institutionem queris? Ne philosopho-
rum quidem omnium scriptis vnquam fuit ta-
le exemplar informatum, quale est ab Homero
absolutè & perfectè expressum.

Λαῶν δ' οἷτιν ἀνασσει, πατὴρ δ' ὥς ἦπι
Οὐτέ τινα ῥέξας ἐξαίσιοι, οὔτε τι ἐπῶν
Εἰ δὴ μὲν ἢ τ' ἐστὶ δίκη θεῶν βασιλῆων.

Item illud Iliados β. de vigilantia curaque Prin-
cipis.

Οὐ χρὴ πάννυχιον εὐθεὶν βουλευφόρον ἄνδρα,
ὃ λαοὶ τ' ἐπιτετράφαται, καὶ τόσσα μέμνη.

Illa verò Agamennonis vox, Ili. α. quàm genero-
sa est & verè regia, eoq; digna qui se ποιμένα λαῶν
profiteatur.

Βουλομ' ἐγὼ λαὸν σόον ἔμμεναι, ἢ ἀπελίσσεται.

Neque verò sunt omittenda verba illa quibus
Peleus Achillem filium è Phthia ad Agamennō-
nem demittit, & ab iracundia & similitate de-

-terrens

terrens ad lenitatem, clementiam & beneuolentiam hortatur, breuia quidem illa, sed planè aurea, sic leguntur Ili. 1.

Τέκνον ἐμόν. κάρτος μὲν ἀθηναίητι καὶ ἥρῃ
Δῶσους, αἱ κ' ἐβέλωσι, σὺ δὲ μεγαλήτορα θυμὸν
ἴσχειν ἐν στήθεσσι, φίλοφροσύνῃ γὰρ ἀμείναν
Ληγέμεναι δ' ἱριδὸς κακομηχάνε, ὃφρα σὲ μάχῃ
Τίωσ' ἀργείοι ἢ μὲν νῆοι ἢ δὲ γέροντες.

Iam, quales viros, quàm prudentes, quàm graues, quàm moderatos consultationibus adhibet? Quàm egregias conciliòrum & βουλευσεως leges describit? Quanta est Ducū illorum in subeundis periculis fortitudo, in auertendis industria, in providendis prudentia? Sed Senatorum Ducūmq; mores intueamur, quos de Achille placando egregiè disputantes libro nono inducit, quem propter rerum, verborum, sententiarumque copiam admirabilem ad verbum præter cæteros omnes edisci volo. Diomedes fortis est, generosus, audax, & indicèdo liber, plus animi quàm consilij adfert, feruet, tonat, omnia sursum ac deorsum commiscet. Sic illè Regem alloquitur.

Ατρεΐδῃ, σοὶ πρῶτα μαχήσομαι ἀφραδίῳτι.
Ἡ θέμις ἐστὶν ἄναξ ἀγορῇ, σὺ δὲ μήτι, χολωθῆς. &c.

Hunc sequitur Nestor homo temperatus, grauis, lenis, sed animosus, pacis & tranquillitatis amans, rerum experientia multum edoctus; hic egregiàs inferit sententias, Regemque grauitè sui officij admonet: Illinc est celebris illa sententia, grauiusq; auctorū monumentis cōpredata, & à Cicerone initio 13. Philippicæ expressa,

Ἀφέντας, ἀθέμιστος, ἀτίσιος ἐστὶν ἐκείνος.

Ὁς πονήεις ἔραται ἐπιδημῖς ὀκνηοῦντος.

Paulo post hic ait imperium Regi à Ioue cōcessum vt alijs rectè prudenterque consulat, ideoque oportere etiam eum alijs publicæ vtilitati consulentibus aures præbere, & si iusta vtiliaq; protulerint ea nō grauare sequi. Hic est ille qui Agamēnnonem & Achillem dissidentes sapientissima illa oratione componere studuit, de vtriusque dignitate & officio grauitè differens libro primo. idemque breuiter repetens lib. 9. Huic nō multum dissimilis est Vlyssēs callidus, vafer, sagax, ad omnes dolos, & ad omne consilium, vel excogitandum vel explicandum aptissimus mirusque harum rerum artifex, quod in ea maximè oratione, mea quidem sententia, indicauit, quā Græcos fugam Agamēnnonis suasu molientes deterret, eosque docet mentem Agamēnnonis non intelligere, eum enim hac ratione suorum animos & virtutem experiri velle, quod adeo mihi legenti placuit, vt non putem potuisse vnquam diuinius aliquid in hominis mentem venire.

Nec minus elegans est illa qua Achillem flectere, & mollire, & Græcis restituere conatur. Iam quid de amica illa, suauis, blanda, eleganti Phœnicis obsecratione dicā? Nihil hac eruditius & exactius, nihil ad commouendum Achillem efficacius, non dicam scribi sed cogitari quidē potest. Quam appositè illud, quam eleganter, quam argutè de Præcibus quas Ionis esse filias fingit.

Καὶ γὰρ τελῖται ἱσι διὸς κοῦραι μεγαλοιο

χαλαίτε, ρυτάιτε, παραβλῶπις τ' οφθαλμοί. &c.

Sed omnia quæ ex Homero ad Reip. gubernationem, Principumque institutionem excerpti possunt, ne nimium excrescat hoc scriptum diligentius nō persequar, fortassis huic rei aliquid temporis aliàs impendemus, Principisque optimi & qualis nunquam fuit Idæamac simulacrū ex Homero eliciemus. Nunc ad Virgilium Latīnorum Homerum veniamus, qui Æneam nobis perfectissimum & absolutissimum virtutū omnium exemplar viuis coloribus depinxit. Talem Principem instituerat suum Cyrum præstantissimus ille Græcorum Xenophon, huic tamen, tanti viri pace liceat hoc mihi dicere, Æneæ ne quaquā vllis partibus conferendum. Quis in Ænea insignem illam pietatem non amet & admiretur? Quis non totus illis vocibus commoueatur patrem alloquentis filij in extremo rerum omnium discrimine?

*Ergo age chare pater cervici imponere nostra
Ipse subibo humeris, nec me labor iste gravabit
Quo res cūque cadent, vnum et commune periculum,
Vna salus ambobus erit. Quanto dolore, quanto luctu, quanta reuerentia paterni luctus commemorationem inducit? Quam piē, quam diligenter, quam religiosē exequiarū sacra peragit? Iamq̃ dies (ni fallor) adest, quem semper acerbum
Semper honoratum (sic Dij voluisti) habebo.
Salve sancte parens, iterum saluete recepti
Nequicquam cineres, animaq̃, vmbraq̃ paterna,*

Quantæ verò fuit virtutis & continentiae Dido
 nem omnibus animi corporis & fortunæ doti-
 bus ornatissimam, illiusque amore raptam &
 incensam, fœdusque matrimonij omnibus mo-
 dis ambientem deferere? nullis blanditijs, nul-
 lis illecebris, nullis precibus moueri? nulla vo-
 luptate retardari? nullo instantium periculorū
 metu perturbari? Neque verò Mercurius ille,
 quem tam eleganter descripsit Poëta, aliud ex-
 primit & denotat, quàm vim & imperium ra-
 tionis, superiorisq; in homine partis, de rebus
 optimè iudicantis. Hic est ille Deus qui placi-
 das aures obstruit, qui discessum suadet & im-
 perat, qui moras nectentem grauitè obiurgat.

Sic pius Aeneas quanquam lenire dolentem

Solando cupit, et dictis auertere curas

Multa gemens magnoq; animum labefactus amore

Iussa tamen Diuum exequitur, classemq; reuifit.

Iam dissidium illud rationis & cupiditatis quis
 Philosophorum tam eleganter, tam dilucidè &
 apertè expressit ac Virgilius his versibus?

Ac veluti annosam valido quum robore quercum

Alpini Boreæ nunc hinc, nunc flatibus illhinc

Eruere inter se certant, vt stridor et aliè

Consternunt terram, concusso stipite frondes,

Ipsa hæret scopulis, et quantum vertice ad auras

Aetherias, tantum radice in tartara tendit.

Haud secus assiduis hinc, atque hinc vocibus heros

Tunditur, et magno persentit pectore curas,

Mens immota manet, lacrymae voluuntur inanes.

In bellicis rebus quanta animi magnitudo, pro-
 uiden-

uidentia, constantia, celeritas, promptitudo v-
 bique in Ænea elucet? Quis melius acie instrue-
 re, exercitum educere, ciuitatem oppugnare, ca-
 strum defendere, hostem inuadere, ictus decli-
 nare, milites collaudare, hortari, conciliare, le-
 nire, denique omnia belli munia obire vno Æ-
 nea nouit? Totus horreo & contremisco quo-
 ties lego quanto impetu & furore ille ruptis à
 Turno fœderibus irritatus, belloq; nefando
 laceratus

*Multa Iouem & læsi testatus fœderis aras,
 Iam tandem inuadit medios, & Marte secundo
 Terribilis seuam nullo discrimine cadem
 suscitatur, irarumq; omnes effundit habenas.*

Neque verò facile dici potest quantum deter-
 reat profligatos homines ab iniustitia violenti-
 tisq; facinoribusq; ; illa pœnarum supplicio-
 rumq; ; descriptio quæ apud inferos vidisse Æ-
 neam scriptum est libro sexto. Neque enim cre-
 do quenquam esse tã belluinæ & abiectæ natu-
 ræ, tamque ab omni sensu posteritatis alienæ
 qui non vehementer sit sollicitus, quid de se sit
 post miseram hanc vitam futurum.

Phlegiasq; miserrimus omnes

Admonet. & magna testatur voce per umbras,

Discite iustitiam moniti, & non temnere diuos.

Vendidit hic auro patriam, dominumq; potentem

Imposuit, fixit leges precio atque refixit.

Anchisem quoties intueor quacunque occasio-
 ne oculos mentemque ad cælum erigentem
 Deosque inuocantem, vel gratias illis agentem,

pudet me Christianos homines immēsis à Deo beneficijs acceptis, non modo ipsum non laudare, & auctorem omnis nostræ salutis & fælicitatis agnoscere, verum etā contemnere, ac Cyclopica quadam audacia conuitijs turpissimis plerunque afficere.

*At pater Anchises oculos ad sydera latus
Extulit, & cælo palmas cum voce tetendit.
Iuppiter Omnipotens, precibus si flecteris ullis,
Aspice nos, hoc tantum: & si pietate meremur
Da deinde auxilium pater, atque hæc omina firma.
Eiusdem admiranda est clementia facilitasque
qui Achemenidem Græcū Deorum hominum-
que fidem implorantem, parum memor Simonis illius qui simili dolo Troiam prodiderat, am-
icissimè nauibus excepit,
Ipse pater dextram Anchises haud multa moratus
Dat iuueni atque animum presenti pignore firmat.
Eleganter etiam libro primo depingit præstan-
tem aliquem magnæque auctoritatis δυνάστην,
qui populum concitatum & tumultuantē pos-
sit oratione sua componere & sedare,
Ac veluti magno in populo cum saepe coorta est
Seditio, seuitq; animis ignobile vulgus.
Iamq; faces & saxa volant furor anna ministrat.
Tum pietate grauem ac meritis si forte virum quem
Conspexere, silent arrectisq; auribus astant.
Ille regit dictis animos & pectora mulcet.
Hanc eloquentiam in Alcibiade requirit Socra-
tes apud Platonem & grauissimus morum cen-
sor Persius, in adolescente illo qui ad Reipubli-*

ca moderationem immatura ætate se contulerat, hunc sic irridet Satyra tertia, *Ergo Vbi commota feruet plebecula bile, Fert animus calida fecisse silentia turba* Miestate manus: quid deinde loquere? Quirites Hoc puto non iustum est, illud male, rectius istud. Est enim elegans & erudita tota illa Satyra, qua de optimo Reipublicæ gubernatore disputat; est autem imitatus Platonē apud quem Socrates grauissimè Alcibiadem plenū fastus & ambitionis adolescentē reprehēdit, quod nullis virtutibus commendatus, nulla rerum experientia edoctus; nulla bene dicendi facultate præditus Reip. gubernacula temerè adierit; alijsque imperare voluerit quum sibi ipsi nullo modo posset imperare. Ita & Poëtę nostri Principum magnatumque animos ad omnem virtutem & honestatem incendunt, & ad munia Reipub. rectè subeunda pulcherrimis præceptionibus informant. Qua in re omnium maximè egregiam nauarūt operam Satyrici, qui libere & acerbe corruptos hominum mores insectantes, nobis quę sint in hac ciuili societate seruanda aut vitanda, quę iusta quę iniusta, quę honesta quę turpia, quę decencia quę indecora, quę graua quę ridicula, quę laudanda, quę vituperanda ceu Mercuriali digito indicant & commonstrant. Nec minus ad vitam recte instituendam conducunt Comici, qui probos viciososque omnium ætatum, ordinum, sexuum mores vel imitandos, vel fugiendos velut ob oculos nobis proponunt.

Quod genus vitæ, quam partem societatis ciu-
lis non attingit Plautus? In Curculione adulatorum & parasitorum imposturæ, & incredibiles exprimuntur fraudes. Mostellaria, quàm sint incerta & fluxa, quàm facile pereant & collabantur improborum consilia edocet. In captiuis eximia raraque serui in dominum fides & interlandis ærumnis patientia elucet. Verum perfectumque synceri ac fidelis amici exemplar requiris? hoc Trinummus summa sententiarum verborumque grauitate proponet. Iam in milite glorioso quam venuste, & facete omnibus suis coloribus ambitiosos istos, & insolentes, gloriæque immeritæ cupidissimos homines (ignauum & inutile genus hominum) depinxit. Nec verò dici satis potest quanta arte, quantoque ingenio Pseudolus senum illorum, adolescentisque amore perditæ, & serui dolis omnibus instructissimi mores & ingenia componat. Denique sic omnes humanæ vitæ partes persequitur & exprimit, vt qui illo doctore diu multumque sit vsus eum non nisi officiorum humanæque societatis peritissimū dimittat. Terentium, cui nemo in explicandis hominum moribus opponi debet, vitandæ prolixitatis gratia omitto. Adferunt & insignes grauesque sententias è medijs Philosophiæ cāpis decerptas quibus ad virtutis iustitiæque studia nos excitat & informant, vt sunt illæ,

Nam iniusta à iustis impetrare non decet.
Virtute ambire oportet non fauitoribus,

*Sat habet fauitorum semper qui rectè facit,
 Si illis fides est, quibus est ea res in manu. Et,
 Virtus primum est optimum
 Virtus omnibus rebus anteit profectò,
 Libertas, salus, vita, res, parentes,
 Patria, & prognati, tutantur, seruantur:
 Virtus omnia in se habet, omnia adsunt bona quem pe-
 nes est virtus.*

Eodem penè consilio Aristophanes quum re-
 ctis consilijs Athenienses supra modum belli
 studiosos locum dare non videret, comædijs,
 versibusque facietis & iocosis ad pacis & tran-
 quillitatis studia eos conuertere tentauit. Ha-
 bent & Lyrici graues mereque Philosophicas
 sententias, quas semper ob oculos habere, di-
 ligenterque memoria conseruare vitæ humanæ
 fuerit vtilissimum. Quid enim præclarius & ve-
 tilius dici potuit.

*Vis Consili expers mole ruit sua,
 Vim temperatam Dij quoque prouehunt
 In maius, ijdem odere vires
 Omne nefas animo monentes. Et,
 Dulce & decorum est pro patria mori.
 Mors & fugacem persequitur virum,
 Nec parcit imbellis Inuentæ.
 Poplitibus trepidosq; tergo.
 Virtus repulsa nescia sordida
 Intaminatis fulget honoribus,
 Nec sumit, aut ponit secures
 Arbitrio popularis auræ. Et,
 Iustum & tenacem propositi virum*

*Non ciuium ardor praua iubentium,
Non Vultus instantis Tyranni
Mente quatit solida, neque Auster
Dux inquieti turbidus Adria,
Nec fulminantis magna Iouis manus,
Si fractus illabatur orbis,
Impavidum ferient ruinae.*

Sed innumeræ sunt huiusce generis sententiæ quibus solent Poëtæ sua scripta velut stellulis quibusdam exornare, nosque ad omne Virtutis & honestatis studium adhortari, quæ omnia verboſius perſequi immēſæ eſſet operæ, etſi à propoſito non omnino alienæ: nos hic illuſtiores aliquot, rei que politicæ accommodatiores collegimus, vt omnibus innotefceret quanto in errore verſentur qui res tantum leues & ludicras aurium demulcendarum gratia à Poëtis putant explicari, impudenterque calumniantur, Eratoſthenis cuiuſdam dementiam inſecuti, Poëſim nihil aliud eſſe quam *γρᾶν μὴ μυθολογίαν*, quorum nos errorem accuratiùs liberiusque in Declamationibus noſtris reuellemus. Longè proſecto melius de hoc ſtudiorum genere indicauit magnus ille Alexander, qui diuinā Homeri Poëſim totam ad verbum edidicit, eumque præſtantiffimum Regis *διδάσκαλον*, & virtutis præconē optimum vocitare cōſueuit. Hypparchus quoque celeberrimus ſtudiorum laude, Piſiſtrati filius, qui primus Homeri poëmata Athenas detulit (vt quidem eſt auctor Ælianus) illisque incertum ordinem redactis Iliada & Odyſſeam diſtin-

distinxit, ille igitur optimè vidit quantum prudentiæ & humanitatis ex Poëtarum familiaritate & colloquio Principi compararetur, qui ad Anacreōtem Teiuni legatos misit oratum ut ad eū se cōferret, cuius rei nomine *πεντηκόντερον μίαν* eamque instructissimam misit. Simonidi Cæo semper adhæsit eumque lucri & quæstus avidissimū magnis muneribus apud se detinuit. Præstiterit etiam Poëtarum in hoc genere dignitatem Platonis philosophorum Dei auctoritate confirmare sic ille in eo dialogo qui *λύσις* inscribitur, *ἦ δὲ ἐις τρέπῃμαι δοκῇ μοι χρῆναι ἵνα σκοποῦνται τὰ κατὰ τοὺς ποιητὰς, οὗτοι γὰρ ἡμῶν ὥσπερ πατέρες τῆς σοφίας εἰσὶ καὶ ἡγέμονες*. Quid quod Cretenses; quorū Rēpublicam antiquissimam esse testatur Homerus, leges publica que instituta & decreta versibus conscripta edebant? Siquidem Iuuentutis institutionem in tres partes diuiserant, quas omnes carmine complectebātur, Primum leges ciuitatis ediscendas, deinde hymnos in honorē Deorum factos, postremò fortium virorum encomia proponebant. Quod non improbare videtur Socrates apud Xenophontē, qui ait prudentes homines ea quę Reipublicæ ciuūque salutis & tranquillitati conducunt blandis quibusdam verborum lenocinijs & illecebris populo persuadere debere; eumque in suam sententiam adducere, nō aspera & acerba oratione cogere vimque adhibere. Nam qui coguntur, & odio prosequuntur eos qui cogunt, & se minus obsequentes illorum iussis præstāt: contra qui

beni-

benignitate & facilitate inducuntur & tanquā inuitantur, legislatorem vltro amant, eiusq; imperium amplectuntur. A qua ratione non fuisse alienum Platonem satis constat, quum singulis legibus voluerit procœmium quoddam amoris & beneuolentiæ plenum, quo populus ad parē dum alliceretur, adiungi. Nihil vero posse fingi ad persuasionem efficacius Poëtarum cātibus, satis testantur ea quæ de Orpheo & Amphione narrātur. Hæc enim etsi ficta sint, tamen nō dubium est vim eloquentiæ huiusq; orationis fabulis illis indicari, quod homines feri & agrestes, nullaque religione & fide astricti, veterum Poëtarum blanditijs & suauitate allekti, ciuitates societatisque & religionis iura instituerint, barbariemque illam & feritatem naturæ his studijs exuerint. Quid verò est iucundius, quid suauius, quid elegantius Poëticiis illis narrationibus? Qua doctrina animi Principum forensi contentione strepituq; defatigati melius & vtilius relaxantur? Quo acroamate, qua voce, aures acclamatione conuitioque defessæ libētius conquiescunt? Sed iam tempus est orationis nostræ vela submittere, satis enim puto ex superiore nostra disputatione iam patere, quantū utilitatis ad Rerumpublicarum institutionē & administrationem ex Poëtis colligatur, vt iā proferre hoc non dubitem, quod tamen salua istorum hominum pace dictum volo, melius faciliusque suauissimis Poëtarum scriptis quā Philosophorum spinosis acerbisque disputationibus

bus optimum informari Principem.

Ceteros pudeat] Eximius est in Philosophia locus de fine artium quem leuiter hic attingit vel potius indicat Cicero, nos paucis eum explanabimus, omnia enim diligentius persequi etsi vtilissimum foret, tamen vereor ne in calumniatorum reprehensiones (quorum nostra sæcula sunt feracissima) hæc mea diligentia tandem incurrat. Homo, inquit, Plato natus est ad societatem, igitur debet omnes suas actiones, omnia consilia eò referre vt quam maximè fieri poterit Reipublicæ consulat, vt publicam tranquillitatem & concordiam conseruet. quod nulla alia re magis assequimur quàm bonarum omniũ artium & sciẽtiarum professione. Nam si altiùs principia humanæ communitatis & societatis repetantur, primum eius vinculum reperietur ratio & oratio, quæ (vt rectissimè dixit Cicero in officialibus libris) docendo, discendo, communicando, disceptando, iudicãdo cõciliat inter se homines coniungitque naturali quadam societate. Hanc autem videntur abrumpere humanique & diuini Iuris conditionem infringere, qui velut à publico abhorrentes, communi- que vtilitati & saluti inuidentes, rotos se literis abdiderunt, & priuato vmbratilique studio inhærentes nihil inde ad communem adferre fructum, neque in hominum aspectum lucemque proferre student. Hi nõ aliter mihi videntur facere quàm si quis in prærupto aliquo saltu & obscuro magnificas ædes extruat, easque mar-
more

Quare quis tandem me reprehendat,
aut quis mihi iure succēseat, si quantum
cēteris ad suas res obeundas, quantū ad
festos dies ludorum celebrandos, quantū
ad alias voluptates, & ad ipsam requiem
animi & corporis conceditur temporis:
quantum alij tribuunt tempestivis con-
vivijis, quantum denique aleæ, quantum
pilæ, tantum mihi egomet ad hæc studia
recolenda sumpsero? Atque hoc ideo mi-
hi concedendum est magis, quòd ex his
studijs hæc quoque crescit oratio & fa-
cultas quæ quantatuncque in me est, nun-
quam amicorum periculis defuit, quæ se
cui leuior videtur, illa quidem certe quæ
summa sunt, ex quo fonte hauriam sen-
tio. Nam nisi multorum præceptis, mul-
tisque literis mihi ab adolescentia suasis-
sem, nihil esse in vita magnopere expetē-
dum, nisi laudem atque honestatem in
ea autem persequenda omnes cruciatus
corpo-

corporis, omnia pericula mortis atq; exilij parui esse ducenda : nunquam me pro salute vestra in tot ac tantas dimicationes, atque in hos profligatorum hominũ impetus quotidianos obiecissẽm. Sed pleni omnes sunt libri, plenæ sapientum voces, plena exemplorum vetustas, quæ iacerent in tenebris omnia, nisi literarum lumẽ accederet. Quàm multas nobis imagines, non solum ad intuendum, verum etiam ad imitandum, fortissimorum virorum expressas, scriptores & Græci & Latini reliquerunt? quas ego mihi semper in administranda Repub. proponens, animum & mentem meã ipsa cogitatione hominũ excellentium conformabam.

Si quantum ceteris] Admiranda fuit veterum illorum in excolendis bonarum literarum studijs diligentia & assiduitas, ut scribit etiam Cicero lib. 3. de Orat. his verbis, Sed ut homines labore assiduo & quotidiano assueti, cum tempestatibus causa opere prohibentur, ad pilam se, aut ad talos, aut ad tesseras conferunt, aut etiam nouũ sibi

sibi ipsi aliquem excogitant in ocio ludum, sic illi à negocijs publicis tanquam opere, aut temporibus exclusi, aut voluntate sua feriati, totos se alij ad Poëtas, alij ad Geometras alij ad Musicos contulerunt, alij etiam, vt Dialectici, nouum sibi ipsi studium ludumque pepererunt. atq; in ijs artibus quæ repertæ sunt vt puerorum mentes ad humanitatem fingerentur, atque virtutem, omne tempus atque ætates suas consumpserunt. Hæc ille. Ita Catonem, qui vticensis est dictus, ferunt, dum Senatus cogeretur, in curia Græcos libros lectitasse, ne illud ipsum temporis, quod exiguum alijs videbatur, sine fruge literaria elaboretur. Augustum quoq; Cæsarem refert Suetonius in difficultatibus illis Mutinensis belli, quibus grauissimè obsessus non solum imperij verumetiam vitæ periculum subierat, nihilominus quotidie legisse, scripsisse, & declamasse, immo & librum Heroicis versibus conscripsisse asserunt. Cicero verò (vt ipse in Academicis scribit) dum illum ambitio, dum honores, dum causæ, dum Reipublicæ non solum cura, sed quedam etiam procuratio multis officijs implicitum & constrictum tenebat, hæc humaniorum artium studia inclusa habebat, & ne obsolescerent, renouabat, cum liceret, legendo. Quum verò esset fortunæ grauissimo percussus vulnere, & administratione Reipublicæ liberatus, doloris medicinam à Philosophia petebat, & ocij oblectationem hanc honestissimam iudicabat. Poëtica autem facultate maximè eum fuisse delectatum,

F quum

quum ipse satis testatur hac oratione, tum Plutarchus in eius vita aperte confirmat, ubi & eius Poëma quod Pontius Glaucias inscribitur multum celebrat, vertit & Arati Phænomena cuius fragmentum hodie etiam superest. Scripsit & libros tres versibus de suo consulatu, & ad Cæsarem Poëma libris aliquot comprehensum, nisi forsan sint illi ipsi de consulatu. Seruius quoque in Buccolicis citat versum ex Cicero nis elegia quæ Thalemastis inscribitur. Sunt & alia eius Opera Poëtica quæ feriatus à publicis negocijs lusit, quorum passim in suis scriptis mentionem facit. Mirari autem hic satis non possum quid sibi voluerit Martialis quum sic ait,
*Carmina quod scribis Musis & Apolline nullo
 Laudari debes, hoc Ciceronis habes.*

Quamquam non ea est Martialis in hoc genere auctoritas ut non dicam Ciceroni sed nec cuius alteri possit suo iudicio Poëticae facultatis gloriam detrahere.

Hac quoque crescit oratio] Quantum profit Poëtarum lectio Oratori antea breuiter diximus. Incredilis est in illis rerum varietas, summa explicandi copia, magna euagandi libertas. Nihil in Republica & ciuili societate dici potest & fingi, nihil ad officiorum & functionum diuersitatem, nihil ad naturæ explicationem, quod non ad viuum expresserint, ab his igitur doctrina veraque rerum omnium cognitio petenda est, quod in Cratylo dicere non dubitauit Plato. Cuius vero orationis maior est suauitas quam poëticae?
 vnde

unde maior potest delectatio & voluptas peti
quàm ex illorù narrationibus? quid plus ad ex-
cutiendum tædium, reficiendosque & recrean-
dos hominum animos virium habet? In mouen-
dis verò hominum animis, & quocunque vo-
luerint, flectendis tanti sunt artifices, vt in hoc
genere penè soli regnare videantur. Quis est tā
ferreus & saxeus, & vt loquitur Persius, cornea
fibra qui non commoueatur oratione illa Sino-
nis, aut cui lacrymas nō excutiat expositio il-
la & querimonia morientis Didonis? cui non
indignationem pariat execratio Priami filiū A-
chillis (qui Polydorū ante ei⁹ ora interfecerat)
deuouentis? A Poëtis igitur Orator docēdi, de-
lectandi, mouendi, quibus tota eius vis contine-
tur, rationē haurit. De hac re sic disputat Quint.
lib. 10. Plurimū dicit Oratori conferre Theo-
phrastus lectionem Poëtarum, multiq; eius iu-
diciū sequuntur, neque id immerito: namq;
ab his & in rebus spiritus & in verbis sublimi-
tas, & in affectibus motus omnis, & in perso-
nis decor petitur, præcipueque velut attrita
quotidiano actu forensi ingenia, optimè rerum
taliū blanditia reparantur, ideoque in hac le-
ctione Cicero requiescendum putat.

Quæsi cui leuior videtur. Quod si, inquit, leue
hoc videtur & exiguum, minimeque hoc nomi-
ne tanti faciendam Poësim, quod inde confir-
metur, augeaturque nostra eloquentia: at certè
ex ijsdē video me fontibus haurire ea quæ sunt
maiora, nempe rectam consiliorum in admini-

stranda Republica rationem quam illorum ex præceptis & institutionibus totam collegi. Sūt enim & Græcorum & Latinorum scriptis fortissimorum prudentissimorumque hominum expressa simulacra, non vt ea ociosi & discincti stupentesque intueamur, sed vt tantarum virtutū cogitatione animos nostros ad omnem virtutē & honestatem excitemus. Ea est enim vera & solida ratio legendæ historiæ vt virtutum vitiorūque quamplurima colligamus exempla, & in aliorum actiones, consilia, mores, euentusq; intuentes vitam recte instituamus. Multum sanè hæc in legenda antiquitatis historia, reuocādisque in mentem veterū imperijs, solertia & priuatim prodest & publicè. Sic & à vitijs deterremur, & ad virtutem incendimur quumque tantorum virorum exitus animo cogitamus, longè prudentius rationem consiliorum nostrorū inimus, & in rebus gerendis suscipiendisque multum confirmamur. Illud verò maximū est quod nusquam melius relucet singularis Dei prouidentia quàm in hac imperiorum translatione. L. Lucillum scribit Cicero quum exercitui Romano contra Mithridatem præficeretur, rei militaris planè rudem fuisse, tantam tamen prudentiam lectione historiæ, huiusque peritorum hominum congressu sibi conciliasse, vt bellicosissimi Regis omniumque suorum testimonio, nulli Imperatorum veterum bellicæ fortitudinis gloria esset secundus.

Quærit

Quæret quispiam, Quid, illi ipsi sum-
mi viri, quorum virtutes literis proditæ
sunt, istâne doctrina, quam tu effers lau-
di- bus, eruditi fuerunt? Difficile est hoc
de omnibus confirmare, sed tamē est cer-
tum quid respondeam. Ego multos ho-
mines excellenti animo ac virtute fuisse,
et sine doctrina, naturæ ipsius habitu
prope diuino, per seipsos et moderatos et
graues extitisse fateor. Etiam illud ad-
iungo, sæpius ad laudem atque virtutē,
naturam sine doctrina, quàm sine natu-
ra valuisse doctrinam, atque idem ego cō-
tendo, cum ad naturam eximiam atque
illustrem accesserit ratio quædam, cōfor-
matioq; doctrinæ, tum illud nescio quid
præclarum ac singulare solere existere.
Ex hoc esse hunc numero, quem patres
nostri viderūt, diuinum hominem Afri-
canum: ex hoc C. Lælium, L. Furiū mo-
destissimos homines et continētissimos:

ex hoc fortissimum virum, & illis temporibus doctissimum Catonem illum senem. qui profecto si nihil ad percipiendam colendamque virtutem literis adiuuantur, nunquam se ad earum studium contulissent.

Quæret quispiam] Sequitur altera occupatio, nū illi præstantissimi viri quorū simulacra sunt nobis ad imitandum proposita, hac ipsa doctrina fuerint eruditi, an solo Naturę ductu ad honestatem & gloriam contēderint. Ad virtutem enim vel disciplina informamur, vel ipsa Naturæ bonitate ducimur. Vtrius autem maior sit energia & efficacia, multis magnisque Philosophorum altercationibus iamdiu agitatum est. Sunt quędā naturæ ita cōtortæ & deprauatæ, vt nulla doctrina, nulla institutione, nulla consuetudine possint mollescere, & à feritate illa & ferocia ad māsuetudinem & humanitatem traduci. Tales fuerunt Nero, Caligula, Heliogabalus, & cetera antiquitatis monstra. Contra Heroica sunt alia & præstantia ingenia quæ sua sponte ad decus & honestatem rapiuntur: celeresq; & admirandos ad omnem honestatem habent naturæ impetus. Institutionem verò parum in hanc partem habere momenti illud satis docere videtur, quod magnorum virorum filij plærunque ignaui &

ui & stolidi reperiātur, vt de Scipionis, & Quin-
 ti Fabij filijs legimus. Extat & apud Val. Max. ca-
 put, de ijs qui à claris parentibus degeneraue-
 runt. Cuius rei fidem quoque facit vulgatum il-
 lud prouerbum, ἀνδρῶν ἡρώων τέκνα πῆματα. quod
 Homerus lib. Ody. 2. eleganter expresseit. Gale-
 nus quoque in libello, Quod mores animi se-
 quantur temperamenta corporis, ait filios Hip-
 pocratis adeò fuisse vecordes & stupidos, vt de
 eximie stollidis ὑποχράτους τοῖς ἡσιν ἔχεις. prouerbia
 liter diceretur. At illis institutio & disciplina
 non defuerat, quemadmodum nec Cleophan-
 to Themistoclis filio, nec Paralo & Xantyp-
 po quos erudijt Pericles, nec Lyfimacho qui Aristi-
 dem præceptorem habuit. Quid igitur! Natura
 repugnabat, quam licet expellas furca tamen vs-
 que recurret. Alij verò educationi primas tri-
 buunt; quod nulla videatur esse tam fera & bar-
 bara natura quæ studio non māsuefcatur, & velut
 cicuretur, quod venustè dixit Horatius,

Inuidus, iracundus, iners, vinosus, amator.

Nemo adeò ferus est vt non mitescere possit,

Si modo cultura patientem prabeat aurem.

Quod si ad naturam eximiam atq; illultrè acces-
 serit ratio & conformatio quædam doctrine, tū
 illud nescio quid præclarum ac singulare solet
 existere. hoc quoque sic expresseit summus ille
 Poëtarum Philosophus,

Fortes creantur fortibus & bonis,

Est in iuuentis, est in equis patrum

Virtus: nec imbellem feroces

Progenerant aquila columbam.

Doctrina sed vim promouet insitam,

Rectiq; cultus pectora roborant:

Vt cunque defecere mores

Dedecorant bene nata culpa.

Interrogatus aliquando Simonides qua potissimum ratione ad tantū virtutis processisset, Natura, respondit: sed Naturam studiose adiuui. Quintilianus hæc duo ita coniungit, vt tamē naturæ maius velit esse momentum, maximè vero cum in mediocribus naturis ex æquo concurrunt: nam qui sunt in aliquo genere absolutiores, eos plus debere institutioni & disciplinæ quàm Naturæ non diffitetur. Denique naturā materiæ, artem formæ comparat. Hæc fingit, illa fingitur. Nil ars sine materia, materiæ etiam si ne arte pretium est. Sed hæc eleganter & acutè lib. 2. cap. 20. ab eodem explicatur. Hic verò apertè dicit Cicero in ea se esse sentētia vt putet sapius ad laudem atque virtutem naturam sine doctrina quàm sine natura valuisse doctrinam, Multa possunt in hanc sententiam veterum Romanorum exempla adduci. Tullij Hostilij tota fermè adolescentia in pecore pascendo fuit occupata. Qu. Cincinnatus ab aratro ad Dictaturam est auocatus. Tullium Seruium ex obscuro & seruili genere ad regiam maiestatem euexit fortuna. Varro ex macellaria patris taberna ad consulatum conscendit. At illis omnibus ingenua & liberalis educatio, qua nobilium animi ad virtutem solent informari defuerat. Naturæ tamen

tamen solius adminiculis illud sunt amplissime consecuti, ad quod alij ne adspirare quidem potuerunt. Inter cæteros Platonis, extat Dialogus brevis quidem sed eruditus, incerti auctoris, quo disputatur nūc virtus possit doceri. Cuius quæstionis solutio & pia & vera attexitur. Virtutis possessionem maximè rem diuinam esse, bonosque viros eodem pacto fieri, quo vates & fatidici, hoc est, nō natura, aut disciplina, sed inspiratione quadam & inflammatione Deorū tales existere. Ideoque & præstantes viros diuinos appellamus, quod Homero familiarissimū est, Quò allusit Cicero, quum dixit nullum vnquam magnum virum fuisse sine afflatu diuino. *Ex hoc esse hunc numero*] Naturæ bonitas nisi studio & disciplina regatur parum prodest. Vt maximè fertilis ager, nisi cultoris ars & industria accesserit, fruges vel nullas vel inutiles producit. Ideoque veteres illi præstantissimi ac planè diuini homines Scipio Aphricanus, C. Lælius eius amicissimus, L. Furius, quū nacti essent vehementes & heroicos naturę motus ad virtutē, eos putauerunt esse doctrina cultuque regēdos & confirmandos. Cato ille maior vir grauissimus fortissimusque si in natura iudicasset satis esse ad percipiendam colendamque virtutem momenti, nihilque ad hanc rem humaniorum artium studia prodesse, nunquam se ad ea tanto animi studijque impetu contulisset. Nam & eū legimus in extrema senectute Græcis literis operam nauasse, immò & Latinas penè senem didicisse.

cisse. Sic autem studia sua cōmemorat in libro de Senectute, Septimius mihi Originū liber est in manibus, omnia antiquitatis monumēta colligo, causarum illustrium quascunque defendi, nunc quam maximè conficio orationes. Ius augurum, pontificum ciuile tracto, multum etiam Græcis literis vtor: Pythagoreorumq; more exercendæ memoriæ gratia, quid quoque die dixerim, audiuerim, egerim, cōmemoro vesperi. Hæ sunt exercitationes, hæc curricula mētis. Hæc ille. fuit vero & erudit⁹, & argutus, sed, vt tū loquebātur, antiquior fuit eius sermo, & quædā horridiora verba, quæ si cōposueris & quasi coagmētaris, numerosq; addideris neminē reperies quæ anteponas, Catoni. De eo sic Cic. in Bruto, Quis illo grauior in laudādo? acerbior in vituperādo? in sentētijs argutior? in docēdo edisserēdoq; subtilior? Refertæ sunt orationes amplius centū quinquaginta, quas quidē adhuc inuenirim, & legerim, & verbis & rebus illustrib⁹ licet ex ijs eligas ea quæ notatione & laude digna sunt, omnes Oratorię virtutes in eis reperiētur. Iā vero Origines eius quæ florē aut quod lumē eloquētiæ non habēt? Cōstat igitur quā studiose Cato veteresq; illi heroes naturā putarūt adiuuandam & excolendam. Neque sanè concedā Alexandrum Macedonem plus naturæ debere, quàm Aristotelis aut Homeri, quem mutū præceptorem habuit, institutioni. Nec Traianum mansuetudinem illam & clementiam moderationemque morum magis ex naturę indole quā

Plutar-

Plutarchi consuetudine & informatione imbibisse. Phœnix etiam apud Homerum Ilia. I. dicit se Achilli à patre datum præceptorem nō solum dicendi, verum etiam faciendi. sic enim ait,

Σοὶ δὲ μ' ἔπειπε γερῶν ἱππηλάτα πηλεὺς
 Ἡματι τῷ ὅτι σ' ἐκ φθίης ἀγαμίνονι πέμπε
 Νήπιον, οὐτῶ ἐιδὼθ' ὁμοίου πολέμοιο
 Οὐδ' ἀγορεύων ἵνατ' ἄνδρες ἀρηπρέπεις τελέθουσι
 Τόι καὶ μὲ προείηκε, διδάσκειναι τὰ δὲ πάντα,
 Μυθῶν τε ῥητῆρ' εἶναι, πρηκτῆρα τε ἔργων.

Recte enim iudicabat senex ille Peleus excellentem hanc filij sui naturam egere tamen ductore aliquo & formatore, vt tandem aliquādo vires suas exereret. Naturæ bonitas sine disciplina facile languescit & extinguitur, vel etiam plerumque in contrariam partem conuertitur.

Quod si non hic tantus fructus ostenderetur, & si ex his studijs delectatio sola peteretur: tamen, vt opinor, hanc animi remissionem humanissimam ac liberalissimam iudicaretis. Nam cæteræ neque temporum sunt, neque ætatum omnium, neque locorum. Hæc studia adolescentiã alunt, senectutem oblectant, secūdas res ornant, aduersis perfugium ac solatium præbent, delectant domi, non impediunt foris,

foris,pernoctant nobiscum, peregrinantur, rusticantur. Quòd si ipsi hæc neque attingere, neq[ue] sensu nostro gustare possemus: tamen ea mirari deberemus, etiã cum in alijs videremus. Quis nostrum tã animo agresti ac duro fuit, vt Roscij morte nuper non commoueretur? qui cũ esset senex mortuus, tamen propter excellentem artem ac venustatem, videbatur omnino mori non debuisse. Ergo ille corporis motu tantum amorem sibi conciliarat à nobis omnibus, nos animorum incredibiles motus, celeritatemque ingeniorum negligemus?

Quod si non hic tantus] Etiam si tantarum rerum commoditatem hæc studia non continerent, tamen quod maxima ex eis delectatio colligitur, sine qua animi nostri forensium rerum asperitati ferendæ non essent, magni sunt faciendã diligenterque excolenda. Quis enim est tam barbaro feroque ingenio qui non hanc animadversionem humanissimam & liberalissimã, in qua aliquid operæ & temporis collocetur, dignã putet? Ceterarum rerum studia non omnium sunt
 loco-

locorum, temporum, personarum : est ubi no-
 ceant, est quum non delectent, sunt quos non
 deceant : at ista nusquam intempestiua, nusquā
 molesta, nusquam indecora. Omnes decent, o-
 mnes oblectant, omnibus profunt. Adolescen-
 tiam fouent, regunt, instruunt, & ad tutum Se-
 nectutis portum tranquillè perducunt. Malæ il-
 lius ætatis molestias & incommoda mira qua-
 dam suauitate leniunt, mitigant, sopiunt. Opu-
 lentis & quorum venti sunt ex voto secūdi nul-
 lum potest esse maius fortunæ ornamentū. Re-
 bus aduersis nullum certius refugium, deplora-
 tis solatium potest excogitari. A foro & concio-
 ne arceris? domi oblectant, vna rident, mœrorē
 excutiunt, nauseam abigunt, tempus decipiunt.
 foris inter peregrinandum, rusticandū, spatian-
 dum quid minus incommodum magisque ex-
 peditum? cuius comitis, cōfabulatio iucundior
 & quietior, cuius rei certior promptiorq; vsus.
Quis nostrum tam animo] Si Roscius agilitate cor-
 poris, & gesticulationum dexteritate tantum a-
 morem à nobis omnibus sibi conciliauerat, vt
 quum extrema ætate defecisset, tamen dignus
 iudicaretur propter artis venustatem & excellē-
 tiam in quem mors iuris nihil haberet: certe lō-
 gè iustius & honestius huius Archiæ incredibi-
 les animi motus, singularemque ingenij celeri-
 tatem nos rebus optimis institutos decet admi-
 rari, & omni beneuolentiæ officijq; genere pro-
 sequi. Tanto enim Roscio præstantior est hic Li-
 cinius, quanto animus præstat corpori. Verum
 hac

hac tempestate, quæ est illius infœlicitas, quæ-
admodum plurimi turpissimis istis voluptatibus
irretiti solius corporis curam habentes, animas
pro sale, ut ait ille obtinent: ita maior est hi-
strionum, mimorum, huiusque farinae ho-
minum gratia & auctoritas, quam doctorum e-
ruditorumque; virorum. Quam iudiciorum de-
pravationem olim sunt gravissimè insectati Phi-
losophi. Thebis nullum est in gratiam Pindari
nobilissimi Poëtæ monumentum extructum,
at Cleonis cuiusdam cãtoris in medio foro ex-
tabat statua, eaque valde honorifico epigramma-
te ornata. legitur illud apud Athenæum lib. 1.
Cæterum Roscius ille, fuit histrio mirè agilis,
tantæque artis & excellentiæ, ut in quo quisque
artificio excelleret, is in suo genere Roscius di-
ceretur. Itaque non puduit Ciceronem ad hanc
similitudinem huius histrionis oratoriam lau-
dem dirigere, in elegantissimis illis libris de Ora-
tore. Extat & pro Roscio Comædo oratio Cic.

*Quoties ego hunc Archiam vidi Iudi-
ces (ut ar enim vestra benignitate: quo-
niam me in hoc novo genere dicendi tam
diligenter attenditis) quoties ego hunc
vidi, cum literam scripsisset nullam ma-
gnum numerum optimorum versuum de
his*

his ipsis rebus quæ tum agerentur dicere ex tempore? quoties reuocatum eandem rem dicere commutatis verbis, atque sententijs? quæ vero accuratè cogitateq; scripsisset, ea sic vidi probari, ut ad veterum laudem peruenirent. Hunc ego non diligam? non admirer? non omni ratione defendendum putem?

Quoties ego hunc Archiam] Solet Cicero ubi parenthesis, quam interpositionem vocamus, orationem abruperit, ad idem verbum quo in principio usus est reuerti, ut docuit Lælius Val-
la. Est autem obseruanda etiam ratio illa qua usus est lib. 1. ad Att. Cum essem in Tusculano (erit hoc mihi pro illo tuo, cum essem in Ceramic) veruntamen quum ibi essem. &c.

Dicere ex tempore] Promptitudo ista facilitasq; quamplurimos effundendi versus impræmeditatè non multum alioqui laudatur à viris erudit. est enim certa ferme perpetuaque malorum Poëtarum nota. Nec potest æquo animo ferre hanc gloriam Horatius, exactis imus poëticorum studiorum censor, ideoque eum carpit & irridet.

Qui pedibus quid claudere senis.

Hoc tantum contentus amat scripsisse ducentos

Ante

*Ante cibum versus, totidem cœnatus: Hetrusci
Quale fuit Cassi rapido feruentius amne
Ingenium.* Lucilium quoque Satyricum falsè re
prehendit,

Qui in hora sæpè ducentos

Vt magnum versus dictabat stans pede in vno.

Sed nec Suffenus ille Catullianus hac laude ca-
ruit, idē enim plurimos faciebat versus nulloq;
id negotio, adeo vt nō multis diebus millia aut
decem aut plura perscripserit. Sed enim

Hæc cum legas, tum bellus ille, & Urbanus

Suffenus, vnus caprimulgus, aut fossor

Rursus videtur, tantum abhorret ac nutat.

Idem infaceto est infacetiore rure.

Noster vero Archias ab horum infantia & leui-
tate alienissimus, non solum plurimos verum-
etiam optimos versus ex tēpore fundebat, idq;
apposite & ad id de quo agebatur accōmode,
quod sanè non nisi maximi fuit ingenij: immo
interturbatus, vel vt repeteret sollicitatus, di-
uersis omnino rerum, verborum, & sententiarū
luminibus res easdem explicabat. Magna quidē
laus & solida, raræque & admirandæ ingenij ce-
leritatis. Ciceronē quoq; legimus subito quo-
dam scribendi calore vna nocte quingentos ver-
sus effudisse. Sed locus hic me admonet vt pro-
dam non indoctissimi cuiusdam viri (cuius no-
mini parco, vt soleo in taxandis aliorum errori-
bus) vanitatem, qui scripsit nullum vnquā fuisse
doctum hominem, cui valde in promptu fue-
rit colloquendi differendique ratio, ideoq; nul-
lam

lam prælectionem sibi tanti esse, vt cogitationis aliquid illi velit tribuere, nec si sit loquendum, cum viris summis, & in maximo cœtu verbum se vllum præmeditari velle, tam libenter ineptè quam aptè sententiam suam expressurum. Nec veretur studiosos hortari vt si natura sint facundi, dedita opera loquantur incompositè. Mirari fatis nequeo quæ intemperies hominē egerint alioqui non inelegāti & bardo ingenio vt *παράδοξον* tam ineptum & ridiculum scriptis cōsignaret. Quid enim multus vsus, continua exercitatio, assidua lectio, longa studiorum ætas proderit si manet eadem dicēdi quæ fuit incipiētibus difficultas? Perijsse profectò fatendum erit omnem eum laborem, quem studijs impendimus, si semper hæsitandum est & in ijsdem laborandum. Quid? Num Cicero, Hortensius, Demosthenes alijsque præstantes oratores, si quid ex tempore sit dicendum, si rerum innouatio aut insperatus casus orationem immutare compulerit, vt Ciceroni in nobili illa oratione pro Milone accidisse aiunt, num ineptè & incompositè animi sui concepta explicabūt? Si Cæsari, si Scipioni, si Duci cuipiā fuerint aut adhortandi milites, aut collaudandi, aut reprimendi, aut cōciliandi nunquid inepta & inani oratione vtētur? Nescio vnde istud homini in mentem venerit. Longè melius Fabius qui sic multo ac fideli stylo formari orationem præcipit, vt scriptorum colorem etiam quæ subitò effusa sunt, reddant, vt cum multa scripserimus etiā multa dicamus.

At, inquit ille, dum rerum talium voluptate afficimur, imperfectiores oportet simus in altero. Nemo pari cura res duas vnquam tractauerit. Verum, ô bone vir, ne Fabio quidem videtur ille dicere, qui non dispositè, ornatè, copioseque dicit. Neque enim tumultuarij aut fortuiti sermonis contextus per se est in precio, quum iurgantibus etiam mulierculis superfluere eum videamus. Pectus est quod disertos facit, & vis illa concitatioque mentis. Ad hæc ingenio industriaque consequemur vt illud ipsùm quod in se rationem non habet, in ratione versetur, vt eruditè disputat Quintilianus lib. 10. Inst. Orat. qui in hoc genere multum celebrat Antipatrum Sidonium, Sed & Conradum Goclenium doctissimum hic quodam bonarum literarum professorem multum laudis hac extemporanea dicendi facultate fuisse consecutum, intelligo. Porro quod plerique non æque sint expediti & felices in scribendo, ac dicendo dicit illud Cicero ingeniosis quidem & argutis, sed non satis doctis & eruditis contingere, vt ipsi Galbæ quem fortasse vis non ingenij solum, sed etiam animi, & naturalis quidam dolor dicentem incendebant, efficiebaturque vt & incitata. & grauis, & vehemens esset oratio: dein cum ociosum stylum prehenderat, motusque omnis animi tanquam ventus hominem defecerat, flaccebat oratio, quod ijs qui limatius dicendi consecretantur genus, accidere non solet, propterea quod prudentia nunquam deficit Oratorem, qua ille vtens

eodem

eodem modo possit & dicere & scribere . Ardor animi non semper adest , is quæ cum confedit , omnis illa vis & quasi flamma oratoris extinguatur .

Atqui sic à summis hominibus, eruditissimisq; accepimus, cæterarum rerum studia, & doctrina, & præceptis, & arte constare : poëtam ipsa natura valere, & mentis viribus excitari, & quasi diuino quodam spiritu afflari . Quare suo iure noster ille Ennius sanctos appellat poëtas , quòd quasi deorum aliquo dono atque munere commendati nobis esse videantur . Sit igitur Iudices, sanctum apud vos humanissimos homines hoc poëtæ nomen, quod nulla vnquam barbaria violauit . Saxa & solitudines voci respondent, bestię sæpe immanes, cantu flectuntur atque consistunt : nos instituti rebus optimis non poëtarum voce moueamur ? Homerum Colophonij ciuem esse dicunt suum, Chij suū vendicant, Salaminij re-

G 2 petunt:

*petunt: Smyrnæi verò suum esse confir-
mant, itaque etiam delubrum eius in op-
pido dedicauerunt: permulti alij præte-
rea pugnant inter se atq; contendunt.*

*Atque sic à summis viris] Poëtica studia commē-
dat, quod singulari Deorum benignitate nobis
attribuantur. Nam cæteræ omnes artes discipli-
næ, methodo & ratione quadam constant, pos-
suntque doceri: at Poësis sola natura compara-
ri, nullis præceptionibus, nullis regulis, nullis
axiomatibus patitur se coerceri, & transfundi.
Omnem operam luseris, frustra noctes insom-
nes transegeris nisi labor iste tuus naturæ fœli-
citate adiuuetur. Maior res est Poësis quàm ut
possit humana industria comparari. Permultos
quidem videas eruditos viros versus emūctos,
accuratos, puros, plenos eruditionis recondite
pangere, sed quis nō videat inuita Minerua, &
ut loquitur ille Musis & Apolline nullo, hæc il-
lud studia excoli? Sillij Italici scripta si quis e-
uoluat facile deprehendet, opinor, indole Poë-
tica illum planè destitui, versus cogi non sequi,
multum artis minimū naturæ inesse. Verunta-
men doctus est scriptor, accuratus, varius, ele-
gans. sit ita, neque enim tantum illi detraho,
quantum hodie plurimi, plures etiā habeat vir-
tutes, Poëtam tamen esse nego. neque fortassis
iure sibi titulum hunc arrogarit grandiloquus
ille*

ille Lucanus. Sed hæc alias. Horatius, cuius in hoc genere maxima est apud me auctoritas, plurimum arti attribuit, cuius etiam optima & elegantissima nobis reliquit præcepta, neq; enim alius Latinorum accuratius & doctius hanc re tractarit, Naturam tamen adesse vult, eaque destitutum vix Poëtam agnoscit,

Natura fieret laudabile carmen, an arte

Quasitum est. ego nec studium sine diuite vena,

Nec rude quid prosit video ingenium, alterius sic

Altera poscit opem res & coniurat amicè.

Porro quod ait Cicero à summis eruditissimisque hominibus Platonem & Democritum intelligit, siquidem huius argumenti reliquit ille nobis Dialogum cui titulus est, Ion, vel de furore Poëtico. de hoc autem sic Horatius,

Ingenium misera quia fortunatius arte

Credit, & excludit sanos Helicone Poëtas

Democritus, & quæ sequuntur. Spiritus vero, seu furor ille quo se dicunt afflari Poëtæ & incalescere, ἐνθουσιασμός à Græcis dicitur. Vates autem afflatus ἐνθεος. Quod autem ait Lilius Gyraldus maximæ vir literaturæ à Cicerone etiam dici μεσοπάταγος locus est in epistolis ad Qu. fratrem lib. 2. Non me hercule quispiam μεσοπάταγος libentius sua recentia poemata legit. Vbi non putato illud Græcam vocem significare, sed eum qui obstrepera clamosaque voce carmina sua recitaret. Versificatorem obstreperum alij vertunt.

Sanctos appellat Poëtas] Sancti & diuini vulgo dicuntur Poëtæ à Platone etiam ἅγιοι τῶν θεῶν. Ouid.

At sacri vates, & diuini cura vocantur

Sunt etiam qui nos numen habere putent.

Saxa & solitudines] Quintilianus lib. 9. Instit. Orat. de compositione differens vult ita contexi orationem, vt id quod validius est & ad concitandos animos efficacius subsequatur, infirmiori que adiungatur. Res enim debent oratione augeri & excrefcere, non minui, & remitti. In his, inquit (de singulis autem verbis agit quę *ἀκούδιστα* vocantur) cauendum ne decrefcant oratio, & fortiori iungatur aliquid infirmius, vt facriligo fur, aut latroni petulans. Augeri enim debent ſententię & inſurgere, vt optime Cicero, Tu iſtis faucibus, iſtis lateribus, iſta gladiatoria totiꝝ corporis firmitate. Aliud enim maius alio ſuperuenit. At ſi cœpiſſet à toto corpore; non bene ad latera fauces que descenderet. Rectè hoc ſanè dixit Fabius, ſed non perinde eſt illud quod paulo poſt ſequitur. Et contrà, Saxa atque ſolitudines voci reſpondent, beſtię ſępè immanes cantu ſecluntur atque conſiſtunt. Magis id inſurgebat ſi verteretur. Nam plus eſt ſaxa quam beſtias commoueri. Putat Fabius parum rectam eſſe hanc compositionem quòd grandiori maiori que addatur id quod tenuius eſt & imbecillius. id ſi ita eſſet vicioſum ſanè foret. ſed nihil omninò vidit, pace tanti viri dixerim, hoc in loco ſummus ille Rhetor, neque enim Cicero hīc indicat ſaxa, & ſolitudines voce & cātu cōmoueri, quod plus eſt quā beſtias immanes carmine conſiſtere, ſed illam reſonantiā

& vo-

& vocis expressionem quæ fit in locis concauis & præruptis & montosis, (Græcis *ἰχθὺς* dicitur quod vocabulū vsu latinum iam factum est) indicare solum voluit: nulli autē res est ignota, cuius etiam ratio à natura petitur. Illud autem bestias immanes cantu flecti & consistere maiori certe dignum est admiratione, adeo vt plerique totum illud falsum esse & confictum arbitrentur. Vacat igitur hic locus eo vitio quod deprehendisse se putabat Quintilianus, recteque Cicero maius & validius inibecilliori subiūxit, & vt præcipit ille, orationem increfcere fecit. Quod autem ait bestias sæpe immanes cantu flecti & consistere, credo Ciceronem ad illa veterum de Orpheo figmenta alludere, quem dicunt tigres, leones, syluas, arbores testudinis suæ sono demulsiſſe. Virgilius (illi enim hæc vulgo ascribuntur)

Threicius quondam vates fide creditur canora

Mouisse sensus acrium ferarum

Atque amnes tenuisse vagos,

Et surda cantu concitasse saxa.

Suauisonosq; modos testudinis arbores secuta

Umbra feruntur præbuisse vati.

Nam quæ de Arione & Delphino literis mādantur Herodotus, Lucianus, alijque plurimi non possunt ad hunc locum referri, quum adeo à feritate illa & immanitate absit Delphinus vt *φίλιανθρῶπος*, ab omnibus dicatur. Nec video cur Petrus Victorius illud ex ecloga octaua adducat,

Frigidus in pratis cantando rumpitur anguis.

Neque enim hic Cicero de incātatione agit, cuius rationem eruditissimus ille Poëta ex secretis Magiæ adytis tota illa ecloga prosequitur.

Homerum Colophonij] De Homeri patria plurimi scripserunt, quorum tamen vix duo consentiunt: ideoque difficillimū est certi aliquid adferre. Ipse enim nihil penitus hac de re scriptū reliquit: ita fit vt à præstantissimis quibusq; ciuitatibus, vt Atalāta illa aut Hippodamia à prociis, magna contentione ambiatur. Nam præter eos quorum hic facit mentionem Cicero, Argiui, Rhodij, Thessali, Ægyptij, Iotæ sibi asserunt, hunc contra Troiani, Cenchræi, Lydij, Ithacenses, Gnosij, Mycenæij, alijque plures vendicant, ab illis vero omnibus Athenienses tanquam suum ciuem repetunt. Extat in hanc sententiā elegans Antipatri epigramma, quo cælum illi patriam esse, Calliopen matrem oraculo Phœbi asserit. illud propter venustatem hic ascribere non pigebit,

Οἱ μὲν σευ κολοφῶνα τιβυνήτειραν ὄμηρε
 Οἱ δὲ καλὰν σμύρναν, οἱ δ' ἐνέπυσσι χίον.
 Οἱ δ' εἶον, οἱ δ' ἐβόασαν εὐκλορον σαλαμῖνα
 Οἱ δ' ἐνυ τᾶν λαπιθᾶν ματέρα θεσσαλίαν.
 Ἀλλοὶ δ' ἄλλο μίλαθρον ἀνιάχον, εἰδὲ με φοῖβη
 Χρὴ λῖξαι πιτυτὰν ἀμφαδᾶ μαντοσυναν.
 Πάτρεσσι τοι τελέθῃ μέγας οὐρανὸς, ἐκ δ' ἐ γυναικὸς
 Οὐ θνατᾶς, ματρὸς δ' ἐπλεο καλλιόπας.

Leguntur & duo versiculi Græci eiusdem argumenti apud A. Gellium lib. 3. cap. 11. fortassis ab his desumpti. vbi pro ἴος legi debere χίος satis hunc Ciceronis locum documento esse putat inter-

interpres noster. frigide quidem illud parumq;
 consideratè, neq; enim ita leuiter debet aliqua
 lectio immutari. Bracchylides, & Aristoteles, &
 ille Antipater Ionem eum faciunt, alijque non-
 nulli. Plutarchus quoque, què iste citat, duas e-
 ius patrias adducit Smyrnam, & Ionè, in illa na-
 tum, in hac tumulatum dicit. Sunt autem il-
 la duo nomina rebus odoratissimis attributa.
σμέρινα enim myrrha dicitur, *ἰον* autem florem si-
 gnificat. fuit autem illud diuini Poëtæ certum
 augurium. Plutarcho astipulantur Strabo qui
 lib. 11. sic ait Ion parua est insula, in qua ferunt
 Poëtam Homerū esse sepultum. Quia vero nō
 displicet lectionem immutari, forsā ratio illa
 solidior erit, qua sunt vsi alij. quòd dicitur *ἰπτὰ*
πόλεις. Ion autem est insula, Chios verò ciuitas.
 Sed de Homero qui plura petit adeat Herodo-
 tum, & Plutarchum cuius scriptum Latinitate
 donatum parum candidè nuper pro suo ædidi-
 vit quidam eruditus. Quod autè ait Smyrnæos
 delubrum eius in oppido dedicasse, refert quo-
 que Ælianus Argiuos in sacris hospitalitijs Ho-
 merum cum Apolline inuocasse.

*Ergo illi alienū, quia poëta fuit, post
 mortem etiam expetunt: nos hunc viuū
 qui & voluntate & legibus noster est,
 repudiabimus: præsertim cum omne olim*

G 5 *studium,*

studium, atque omne ingenium contulerit Archias ad populi Romanis gloriam, laudemq̃ celebrandam? Nam & Cimbrias res adolescens attigit, & ipsi illi C. Mario, qui durior ad hæc studia videbatur, iucundus fuit neque enim quisquam est tam auersus à Musis, qui non mandari versibus æternum suorum laborũ præconium patiatur.

Ergo illi alienum] Quod si tot tantæque ciuitates Homerum eumq̃; mortuum quum iã prodesse non possit, & exterum, neque enim in omnibus illis ciuitatibus nasci potuit, eo solũ nomine expetunt quòd Poëta fuerit: nos profecto hunc viuum, qni magno nobis & rebus publicis & priuatis tum ornamento, tum vsui esse potest, quiq̃ue voluntate & legibus noster est repudiare minimè debemus: maximè quum eo sit in Rempublicam Romanã animo, vt omne suũ studium, omne ingenium, omnem industriã ad eius illustrationem & gloriam conferat. Nam cum adhuc adolescens esset bella contra Cimbros gesta descripsit: tanta autẽ fuit illius suauitas & gratia vt C. Mario non solum gratus verumetiam iucundus extiterit, qui Marius ab hoc studiorũ genere abhorreere videbatur, & quod
mirum

mirum est, ab illa ipsa Græca lingua, qua utebatur Archias, & studio, & volūtate alienissimus. Quare magnam oportuit esse in Archia venustatem, & ad delectandos hominum animos dexteritatem, qui tetricum illū Ducem & ἄμυστον, delectaret. Eius rei reddit rationē Cicero, Quod nullus est tam barbaro & à Musis alieno ingenio, qui non maximè cupiat res à se gestas æternis Poëtarum monumētis committi. Cuius rei potissimum gratia magno fuerunt omnibus sæculis in honore sancti Poëtæ, primoq; apud Reges & principes loco. vt de Mario, Scipione, Pōpeio, Alexandro, Bruto paulo post refert Cicero, qui Poëtas omni genere honoris & officij sunt prosecuti.

Themistoclem illum summum Athenis virum dixisse aiunt, cum ex eo quaereretur, quod acroama, aut cuius vocem libentissimè audiret: Eius, à quo sua virtus optimè prædicaretur. Itaque ille Marius item eximiè L. Plotium dilexit, cuius ingenio putabat ea quæ gesserat, posse celebrari.

Themistoclem illum summum] Quod hic de Themistocle narrat Cicero, dicit Victorius se nunquam

quam legisse apud Græcum vllum scriptorem, nec sanè me recordor vspiã apud illos reperisse, magisque miror prætermissum esse, nisi me fallit memoria, à Plutarcho in eius vita, vbi multa adducit in hanc sententiam. Quale est illud, Interrogatum aliquando Themistoclem quis dies illi tota vita gratissimus fœlicissimusq; extitisset, Eum, respondisse, quum se triumphantem infinita hominum multitudo admirandis oculis intueretur. Verbũ autẽ illud ἀκροαμα vocem, narrationem, recitationẽ significat: sed quæ Musicis instrumentis sit permixta. quæ ratio in ludis apud veteres seruabatur vt actionẽ histrionum harmonia & modulatione huiusce-modi commendarent. ideoque hic à voce distinguitur, neque enim temere Cicero Synonyma coaceruat. nonnunquam etiam eos denotat, qui delectationis voluptatisque gratia aliquid inter conuiuandum memoriter recitant aut ludunt: qua significatione accipit Cicero in Verrem Act. 6. vbi ait, Hic quasi festiuum acroama, nè sine corollario discederet, ibidem cõuiuis inspectantibus emblemata auellenda curauit. Et Macrobius, Delectatus Cæsar inter cœnam symphoniacis, eos frumento tantum donauit, quum in alia acroamata fuisset nummis liberalis.

L. Plotium dilexit] Fortasse hic est ille Plotius poëta & philosophus nō ignobilis sed immodicæ loquacitatis cuius facit mentionẽ Horatius,
Iam satis est ne me Crispini scrinia lippi

Compi-

Compilasse putes.

Nihil tamen habeo vnde illud confirmem, nec quicquam compertum se habere ingenuè fateatur Lilius Gyraldus, vir diligentissimus.

*Mithridaticum vero bellum magnū atque difficile, et in multa varietate terra, mariq; versatum, totū ab hoc expressum est: qui libri nō modò L. Lucillum fortissimum & clarissimum virum, verum etiam Populi Romani nomen illustrent. Populus enim Romanus aperuit Lucullo imperante Pontum, & regijs quondam opibus, & ipsa natura regionis vallatum. Populi Romani exercitus eodem duce non maxima manu innumera- biles Armeniorum copias fudit: Populi Romani laus est, urbem amicissimam Cyzicenorum eiusdem consilio ex omni impetu regio ac totius belli ore ac faucibus ereptam esse atque conseruatam. Nostra semper feretur & prædicabitur L. Lucullo dimicante cum ducibus interfe-
ctis*

Etis depressa hostium classis, & incredibilis apud Tenedum pugna illa naualis. Nostra sunt Trophæa, nostra monimenta, nostri triumphi. Quare quorum ingenijs hæc feruntur ab ijs populi Romani fama celebratur.

Mithridaticum vero bellum] Illud eleganter & copiose, quantum quidē ad huius loci explicationem pertinet, descriptum vide in oratione pro lege Manilia, & pro L. Murena.

Belli ore ac faucibus] Elegans est metaphora, à feris animantibus ducta, quorum in fauces incidere extremi est periculi. Hanc autem ciuitatē quum sibi Mithridates Asiæ ianuam fore pūtarēt, qua effracta & reuulsa tota pateret prouincia, eo omnem belli impetum, dimicationisque furorem conuerterat.

Quare quorum ingenijs] Ait Cicero eos qui Romanorum Ducum gesta laudibus efferunt, non solum illos quorum nomina ascribuntur, verū etiam populi Romani virtutem, imperijq; maiestatem celebrare, laudemque illam publicam esse & communem, non priuatam.

Depressa hostium classis] Græci partim vno verbo iuncto ἀντράνδρες ναῦς, partim duobus integris & separatis οὐν ἀντρός ἀνδράσιν dicunt. Exempla adducit Victorius. Cæsar, partim nauium deprimūt, nonnullas cum hominibus capiunt.

Carus fuit Aphricano superiori no-
ster Ennius. Itaque etiam in sepulcro
Scipionum putatur is esse constitutus è
marmore. at ijs laudibus certè nō solū ip-
si qui laudantur, sed etiam Populi Ro-
mani nomen ornatur. In cœlū huius pro-
auus Cato tollitur, magnus honos Popu-
li Romani rebus adiungitur. Omnes de-
nique illi Maximi, Marcelli, Fuluij, non
sine communi omnium nostrū laude de-
corantur. Ergo illum qui hæc fecerat Ru-
dium hominem maiores nostri in ciuita-
tem receperunt: nos hunc Heracliensem,
multis ciuitatibus expetitum: in hac au-
tem legibus constitutum, de nostra ciui-
tate eiiciemus? Nam si quis minorē glo-
riæ fructū putat ex Græcis versibus per-
cipi, quàm ex Latinis, vehementer er-
rat: propterea quòd Græca leguntur in
omnibus ferè gentibus, Latina suis fini-
bus, exiguis sanè continentur. Quare si
res

res hæ, quas gessimus, orbis terræ regionibus definiuntur, cupere debemus, quò minus manuum nostrarum tela peruenierint, eodem gloriam famamq; penetrare. Quòd cum ipsis populis: de quorum rebus scribitur, hæc ampla sunt: tum his certè qui de vita, gloriæ causa dimicant, hoc maximum & periculorum incitamentum est & laborum.

Charus fuit Africano] Liuius lib. 48. & Plinius lib. 7. scribunt Scipionem hùc, qui Africanus à deuicta Africa dictus est, imperasse suo sepulcro imponi statuam Qu. Ennij Poëtæ. Item Ouidius,

*Ennius emeruit Calabris in montibus ortus
... Contiguus poni Scipio magne tibi.*

Erat autem Scipionum monumentum via Appia intra primum ab vrbe lapidem. ceterum omnino male legunt nonnulli marmoratis laudibus, sic enim debet periodus ista distingui. Itaque etiam in sepulcro Scipionum putatur is esse constitutus è marmore. at ijs laudibus, & quæ sequuntur.

In cælum huius] Aliquem iudicium indicat. Cōscripsit Ennius Annales, & bella populi Romani, quorum duodecimum librum (vt sunt aucto

res Varro & Gellius) anno ætatis suæ sexto & quadragesimo composuit, in his dum Catonem seniore, F. Maximum, M. Marcellum fulviū Nobiliorem celebrat, communi etiā laude Romanos omnes exornat. Quare magnis honoribus sunt afficiendi Poëtæ quorum ingenio tantum decus rebus Romanorum accedit.

Rudium hominem] Rudinum vocat Aufonius. Silius Italicus lib. 12. de Ennio

Rudia genere vetusta

Nunc Rudia solo memorabile nomen alumno.

Est autem vetusta ea ciuitas in Appulis, magni quondam nominis Eutropius, & diuus Hieronymus Tarentinum eum faciunt. Rudia autem à Tarento non multum distat, estque sita citra Brundisium in mediterranea, vbi Lupiæ & Salapia oppida fuerunt.

In ciuitatem receperunt] A filio M. fuluij, quem contra Ætolos bellum gerentem secutus erat, ciuitate donatus est, quum triumuir coloniam deduxit.

Nam si quis minorem] Occupatio est qua grauius docet eos errare qui minorem putabant ex Græcorum quam Latinorum scriptis gloriæ fructum colligi, ideoque non eodem loco habendum, tantisque præmijs afficiendum Archiam, vt veteres illi Latini Poëtæ quod res Romanorum vernacula lingua descripserant, sunt exornati. Immo, inquit Cicer. maius est Archiæ, in Rempub. Romanam meritum. Illorū enim scripta ab exteris nunquam leguntur, quod Roma

H num

num idioma nondum ad eos peruenerit, nec nostro hoc sermone delectetur remotæ nationes: at Græcus sermo omnes fere terrarum partes iā permeauit, nulla est gens tam barbara quæ non velit ea cognoscere, quæ Græcorū scriptis sunt consignata, hocque velut humanitatis succo tingi. Omnes illius venustate & suauitate linguæ mirum in modum alliciuntur, adeo vt obscurū esse posse non videatur, quod Græcorum ingenia celebrandū desumpserint. Quamobrē si Romani imperij fulgor & gloria angustis terrarum limitibus debet coërceri, nec vltra potest diffundi, certe omni studio & diligētia & velle & conari debemus, vt ad quas nationes, propter immensa spatiorum interualla, non possunt arma nostra penetrare, ad eos saltem fortitudinis nostræ fama, rei que bellicæ gloria aduolet: & qui manus viresque nostras experiri non possunt, ipsius nominis metu gloriæque terrore cōtremiscant. Quod facile assequemur si præstantes illos Poëtas Græcos, eloquentiæque studijs clarissimos viros, hoc est, Archiæ nostro quam simillimos, vltro splendidis honorum munerūque præmijs in ciuitatem Romanā alliciamus, populoque Romano singulari liberalitate deuinciamus. Idque futurum est nō solum nobis, quorum gloria celebratur, iucundum, verum etiam remotissimis illis gentibus (que pro gloria vitam profundere pulcrum existimāt) & gratum, & vtile, quod tantorum virorum cogitatione suorum animos ad omnem virtutē & pulcritudi-

critudinem incendi videant, omniaque dimicationū pericula similis mercedis adipiscēde gratia promptissimos lātissimosque subire. Locū hunc paraphrasi tantum illustrandum putauimus. cētera, quam exiguis finibus Latinorū sermo temporibus illis contineretur, quantusque esset Græcæ linguæ in Asia, Italia, Gallia cæterisque peregrinis nationibus vsus, copiosè satis docuimus in oratione, quam de Græcæ linguæ studijs conscripsimus. ijs hoc loco repetendis ocio abuti piger.

Quam multos scriptores rerum suarum magnus ille Alexander secum habuisse dicitur? Atq; is tamen, cum in Siegeo ad Achillis tumulū astitisset, O fortunate, inquit, adolescens, qui tuæ virtutis præconē Homerum inueneris? Et verè. Nam nisi Ilias illa extitisset, idem tumulus qui corpus eius contexerat, nomē etiā obruisset. Quid noster hic Magnus qui cum virtute fortunam adæquauit? nōne Theophanem Mitylenæum scriptorem rerum suarum in concione militum ciuitate donauit? & nostri illi fortes vi-

H 2 ri, sed

ri, sed rustici ac milites, dulcedine quadam gloriæ commoti, quasi participes eiusdem laudis magno illud clamore approbauerunt.

Quàm multos scriptores] Principum omnium felicissimus Alexander Macedo, ut rebus strenuè fortiterque gerendis egregiam nauauit operam, ita incredibili flagrabat cupiditate res à se gestas æterno Poëtarum præconio celebrari. Quare magnam eorum multitudinem semper secum habuit, quorum etsi plerique essent impoliti, tamen multum eorum scriptis afficiebatur, summaque liberalitate & munificentia operam studiumque prosequabatur. ut de Cherilo narrat Horatius,

*Gratus Alexandro regi magno fuit ille
Cherilus incultis qui versibus & male natis
Retulit acceptos regale numisma philippos.*

In Sigæo] Promontorium est Troiæ. à silentio sic dictum, ut scribit Seruius in Æneida Virgilij, quod Græcè σιγήν vocatur. Vnde iocus Gnatæ ad quendam garrulum & loquacem, qui cum se ex Hellesponto primum venire narraret, nugandi que finem non faceret. Quid, ait illa, te Hellespontium dicis, & ibi Sigæum clarissimam ciuitatem non nosti?

O fortunate adolescens] Duabus de causis felicem beatumque prædicabat Achille, quod post obitum

tum esset nactus Homerum suæ virtutis præconem, & viuo Patroclus tantæ fidei & constantiæ amicus contigisset. qua quidem in parte se illo inferiorem non putauit, Hephæstionis obsequio & amicitia exultans, ideoque Achillis ipse statuam coronauit, Hephæstion vero Patrocli. Quam fuerit Homeri studiosus Alexander, alio loco dictum est.

Qui cum virtute fortunam] De hac re plura in oratione pro lege Mánilia, vbi res illas quatuor quas in summo imperatore inesse oportet, sciéntiam rei militaris, Virtutem, auctoritatem, fælicitatem, in hoc Pompeio Magno plenissimè eluxisse docet.

Nónne Theophanem Mitylenaum] L. Gellius Publicola, & Cn. Cornelius Lentulus legem tulerant, qua potestas dabatur Cn. Pompeio in Hispaniam ad graue periculosumq; bellum proficiscenti, eos ciuitate donâdi qui se pro Reipub. Romanæ defensione strenuos præstitissent, vt refert Cic. in Orat. pro Cornelio Balbo. Hac tempestate Theophanem Mitylenæum qui res eius gestas descripserat Epico carmine, in concione militum omnibus approbantibus factumque laudantibus ciuitate donauit. Eum Theopha. inter intimos Pompei annumeratum, diuinofque illi mortuo à Græcis honores habitos scribit Cornelius Tacitus.

Itaque credo, si ciuis Romanus Ar-

H 3 chias

chias legibus non esset, vt ab aliquo imperatore ciuitate donaretur, perficere non potuit? Sylla cum Hispanos & Gallos donaret, credo hunc petentem repudiasset? quem nos in cōcione vidimus, cū ei libellum malus poëta de populo subiecisset, quòd Epigramma in eum fecisset tantummodo alternis versibus longiusculis. statim ex his rebus quas tunc vendebat, iukere ei præmium tribui, sub ea conditione, ne quid postea scriberet. Qui sedulitatē mali poëtæ duxerit aliquo tamen præmio dignam, huius ingenium & virtutem in scribendo, & copiam nō expetisset? Quid? à Qu. Metello Pio familiarissimo suo, qui ciuitate multos donauit, neque per se, neq; per Lucullos impetrauisset? qui præsertim eo vsq; de suis rebus scribi cuperet, vt etiam Cordubæ natis poëtis pingue quiddam sonantibus, atq; peregrinum, tamē aures suas dederet.

*ret. Neque enim hoc est dissimulandum,
quod obscurari nō potest, sed prae nobis
ferendum.*

Itaque credo] Ironicos hæc dicuntur. Etenim si
lege Romanus non fuisse ciuis Archias, facilli-
me illud poterat vel à Sylla, qui etiam in malos
Poëtas liberalissimus fuit, vel à Qu. Metello
Pio, qui fuit illi familiaris. vel ab alio aliquo
imperatore vel per se, vel per Lucullos obtinere.

Alternis versibus longiusculis] id est, elegiacis.
Quidius,

Venit odoratos Elegeia nexa capillos

Et puto pes illi longior alter erat.

Vel etiam genus aliud intelligit quale in Hora-
tio sæpè reperitur. Epos autem vocatur vt an-
notauit Acron interpres Horatij.

Cui præsertim vsque eo] Quum videret sibi Me-
tellus diuinorum Poëtarum præconium deesse,
laudisq; incredibili desiderio teneretur, pe-
regrinos quosdam & incultos vates ad suas res
celebrandas allexit, illisque aures summa cum
voluptate præbuit: Sic Alexandrū legimus quū
in pictoribus & statuarijs excellentem require-
ret artis venustatem, non perinde tamen fuisse
solicitem rerum à se gestarum magnitudinem,
ridiculis imperitorum hominum scriptis conta-
minari. sic enim Horatius,

Idem rex ille Poëma

Qui tam ridiculum tam carè prodigus emit

*Edicto vetuit ne quis se prater Apellem
Pingeret, aut alius Lysippo duceret æra
Fortis Alexandri vultum simulantia.*

Corduba natis] Ciuitas est ea Hispaniæ, quæ do-
ctos viros permultos olim edidit, Annæum Gal-
lionem, Melam aliosque. Item Poëtas Senecā
& Lucanum, de quibus tamen idem hodie vi-
deo doctissimos viros iudicare, quod hic Cice-
ro de sui temporis Poëtis. Sonant enim opimū
quiddam, turgidum, inflatū, inæquale, & à pro-
prietate illa Romanæ linguæ longiūsimè detor-
tum.

Pingue] opimum, quale genus orationis Cice-
ro adipatū vocat in libris de Orat. Asciuere suis
artibus opimum quoddam & tanquam adipatę
dictionis genus.

*Trahimur omnes studio laudis, &
optimus quisq; maximè gloria ducitur.
Ipsi illi philosophi, etiā illis libellis quos
de contemnenda gloria scribunt, nomen
suum inscribūt, & in eo ipso, in quo præ-
dicationem, nobilitatemq; despiciūt, præ-
dicari, de se ac nominari vōlunt. Decius
quidem Brutus, summus vir & impera-
tor, Accij amicissimi sui carminibus tem-
plorum*

plorum ac monumentorum aditus exornavit suorum. Iam vero ille qui cum Ætolis Ennio comite bellavit Fulvius, non dubitavit Martis manubias Musis consecrare. Quare in qua Vrbe imperatores propè armati Poëtarum nomen, & Musarum delubra coluerunt, in ea non debent togati Iudices à Musarum honore, & à Poëtarum salute abhorрere.

Trahimur omnes laudis studio] Rectè sanè & prudenter Poëta ille, si non potius historicus est vocandus, gloriam dixit esse facem mentis honeste. Hæc & heroicas illas præstantesque naturas magis ac magis incendit & inflammat, abiectasque istas & stupidas mentes quibusdam velut aculeis pungit & excitat. Ad hanc vnam aspirarunt veteres tum Romanorum tum Græcorum Duces, huius studio nihil asperum, nihil difficile, nihil inuium sibi putauerunt, à rebus fortiter gerendis nec otio aut commodo abstrahi, nec voluptate auocari, nec somno retardari, potuerunt. Themistoclem narrant adolescentiam omni genere luxus mollissime transegisse post verò ubi in Milciadis trophæa incidisset, repente totam vitæ rationem immutasse, illamque molli-
 tiem abieciſſe, ac sæpe solidas integrasque no-

ctes infomnes peregrisse : cuius rei causam cū ab eo sciscitaretur aliquis, Milciadis, inquit, trophæa somnum me capere non patiuntur. Poëte quoque æternitatis cura maximè tanguntur, Hinc illud Ennij,

Aspicite ô ciues senis Ennij imaginis urnam

*Hic vestrum pinxit maxima facta patrum. Itemq;
Nemo me lacrymis decoret, nec funera fletu*

Faxit, cur? volito docta per ora virum.

Sed & opifices quoque post mortem nobilitari volunt. vt Cnidium architectum narrât quum maximam illam pulcherrimamq; turrim Regi Ægyptiorum in Pharo construeret, clanculū in saxum nomen suum incidisse, Regis autē gypso inducto, vt coge batur adiecisse. præuidebat enim, quod postea euenit, quod solidiori materiæ insculptum fuerat superfuturum, erat autē huiusmodi, Sostratus Dexiphanis Cnidius dijs salutaribus ob nauigantes. Sed quid istos profero quibus fortasse minus iudicij veræque rationis inest? Ipsi quoque philosophi, in ijs ipsis libris quos de contemnenda gloria scribūt, nomina sua appingunt, eoq; ipso quo famam & celebrationem spernere videntur, laudari se & nominari maximè ambiunt. Aristotelem refert Ælianus, vt puto, libros de arte bene dicendi Theodectis nomine ædidisse, postea eius rei poenitentia ductum, quum aliud scriptum præ manibus haberet, libros illos pro suis citasse eoq; lectorem remisisse. Sed videamus qualis sit illa gloria quam tantopere omnes expetunt, & cuius

ius studio optimus quisque maximè ducitur. Hanc sic definit Cicero libro Tusculanarum disputationum tertio, Est enim gloria solida quedam res & expressa non adumbrata, ea est cōsentienſ laus bonorum, incorrupta vox bene iudicantium de excellēte virtute, ea virtuti resonat tanquam imago glōriæ. Quæ quia rectè factorum plarunque comes est, nec potest sine virtute expeti, non est à bonis viris repudianda. Illa autem quæ se eius imitatricem esse vult, ambitionem intelligo, & famæ popularis ridiculam cupiditatem, temeraria atque inconsiderata, & plarunque peccatorum viciorumq; laudatrix, simulatione honestatis & pulcritudinis veræ gloriæ formam corrumpit, quare vitiosa nec bono viro expetenda.

Brutus Accij amicissimi sui] Idem quoque refert Valerius Maximus lib. 8. capite. 11. quod est de cupiditate gloriæ. Bruto autem maxime fuit familiaris adeò vt alibi scribat Cicero, se de eloquentia Bruti ab Accio didicisse: quibus verbis motum dicit se Lilius Gyraldus. vt putaret eum esse Accium qui C. Cæsari ad concilium poëtarum accedenti non assurrexerit, quod se illo maiorem in hac facultate putaret, nec de gloria bellica ibi ageretur. diuersumque ab eo qui Pacuuij temporibus illò tamen multò minor vixit. Vide Liliij Dialogos de Historia Poëtarum.

Ennio comite] M. Fuluium Nobiliorem ad bellum contra Aetolos proficiscentem insecutus est Ennius, vt iam diximus. honorificè autem il
lud

lud dictum est Ennio comite, quasi eum omnium consiliorum cogitationumque participem habuisset. Quæ sint Manubiæ docet Phauorius apud Gellium.

Quare in qua Vrbe] Locum hunc concludit à maiore. Quum fortissimi illi Imperatores armati & multis magnisq; rei militaris negocijs districti, & ab his humanitatis studijs auocati, plurimum tamen in bello, in castris, & in ipsa acie Poëtas coluerint, & in eorum honorem omni studio & cogitatione incubuerint: non decet nos togatos iudices in summa rerum omnium tranquillitate, qua ad hæc studia excolenda inuitamur, à Musarum honore Poëtarumque salute aborrere.

Atque vt id libentius faciatis iam me vobis Iudices indicabo, & de meo quodam amore gloriæ nimis acri fortasse, verum tamen honesto, vobis confitebor. Nam quas res nos in Consulatu nostro vobiscū simul pro salute huius Urbis atque imperij, & pro vita ciuium, proque vniuersa Republica gessimus, at tigit hic versibus, atque inchoauit. Quibus auditis, quòd mihi magna res & iucunda

*cunda visa est, hūc ad perficiendum hor-
tatus sum.*

Atque vt id libentius faciatu] Redit ad locū com-
munem de expetenda gloria. Est autem diligen-
ter obseruandum quanta arte & industria res di-
uerſas connectat, & vno velut fasce complecta-
tur. Humaniorum literarū laudem attexuit,
poëtica studia maximè celebrauit, de cauſis vir-
tutis illiusque mercede disputauit, Romanorū
exempla adiunxit, laudationis poëticæ genus
apposuit, eaque omnia sic sibi mutuo aggluti-
nat vt diſiungi non videantur. Est autem ea ma-
xima virtus in oratione, quæque maximè tædi-
um auditori excutiat.

Nimis acri fortasse] Immodico laudis studio fla-
grauit Cicero. adeo vt dum supra modū & in-
tempeſtiuè ſe ſuasque res celebrat & exornat,
nil aliud quam inuidiam ſibi conciliet, & tædi-
um moleſtiamque auditoribus adferat. Nulla
fuit concio, nullus Senatus, nullum iudicium
in quo non præclara ſui conſulatus facinora lō-
ga copioſaque oratione oſtentaret. Quin & his
floſculis ſua paſſim ſcripta aſpergit. plenæ ſunt
epiſtolæ, plenæ orationes, plenæ diſputationes
harum laudum. Vnde, inquit, Plutarchus, ſuam
orationem dulciſſimam alioqui, & omni refer-
tam ſuauiſſitate grauem ac moleſtā reddidit, quaſi
illud ipſum fato quodam ineſſet. Scripſit ipſe
de Conſulatu ſuo Græcè commentarium, tam
elegant-

elegantem & venustū vt Græci omnes, quem-
admodum ipse ait, non datam sed præreptam es-
se sibi scribendi materiam dicerent. Extat & epi-
stola bellissima profecto, & omnibus eloquen-
tiæ flosculis exornata ad Luceium, qua illum o-
rat vt res ab ipso gestas celebret, & scriptis illu-
stret suis.

*Nullam enim virtus aliā mercedem
laborum, periculorumque desyderat, præ-
ter hanc laudis & gloriæ. qua quidē de-
tracta Iudices quid est quod in hoc tam
exiguo vitæ curriculo, & tam breui,
tantis nos in laboribus exerceamus? cer-
tè si nihil animus præsentiret in poste-
rum, & si quibus regionibus vitæ spa-
tium circumscriptum est, eisdem omnes
cogitationes terminaret suas: nec tantis
se laboribus frangeret, neque tot curis,
vigilijsque angeretur, nec toties de vi-
ta ipsa dimicaret. Nunc insidet in opti-
mo quoque virtus, quæ noctes, & dies a-
nimum gloriæ stimulis concitat atq; ad-
monet, non cum vitæ tempore esse dimit-
tendam*

tendam commemorationem nominis nostri, sed cum omni posteritate adæquandam. An vero tam parui animi videamur esse omnes, qui in Repub. atque in his vitæ periculis laboribusq; versamur, ut cum vsq; ad extremum spatium, nullum tranquillum atque otiosum spiritum duxerimus, nobiscum simul moritura omnia arbitremur?

Nullam enim virtus] Virtus gloriam expetit tanquam mercedem iustumque præmium laborum ac discriminum suorum. Gloriam autem non popularem illam & vanam, quæ stolidæ plebis suffragio constat. hæc enim fluxa est & caduca, nam ficta omnia celeriter tanquam flosculi decidunt, nec simulatum quicquam potest esse diuturnum. sed veram & solidam, quæ radices agit atque etiam propagatur, quæ æterna est, & ex populi arbitrio non dependet. quod venuste expressit Latinorum Pindarus hoc modo,

*Virtus repulsa nescia sordida
Intaminatis fulget honoribus
Nec sumit aut ponit secures
Arbitrio popularis aure.
Virtus recludens immeriti mori
Cælum, negata tentat iter via:*

Catullus

*Cætuſq; vulgares & vdam
ſpernit humum fugiente penna.*

Qua quidem detractata] Simile eſt illud in libro
de Senectute ad finem. Nemo vnquã mihi Sci-
pio perſuadebit aut patrem tuum Paulum, aut
duos auos, Paulum & Aphricanum, aut Aphri-
cani fratrem aut patruum aut multos præſtan-
tes viros, quos enumerare neceſſe non eſt, tanta
eſſe conatos, quæ ad poſteritatis memoriã per-
tinerent, niſi animo cernerent poſteritatem ad
ſe pertinere poſſe. An cenſes (vt de me ipſo ali-
quid more ſenũ gloriæ) me tantos labores diur-
nos nocturnosque domi militiæque ſuſcepturũ
fuiſſe ſi iſſdem finibus gloriam meam quibus vi-
tam eſſem terminaturus. Nõne melius multò
fuiſſet otioſam ætatem & quietam ſine vllò la-
bore & contentione traducere? Sed neſcio quo
modo animus erigens ſe, poſteritatem ſemper
ita proſpiciebat, quaſi cum exceſſiſſet è vita, tũ
denique victurus eſſet. Quod quidem ni ita ſe
haberet. vt animi immortales eſſent, haud opti-
mũ cuiusque animus maximè ad immortalẽ
gloriam niteretur. Sunt autem præclari & eru-
diti loci iſti apud Ciceronem, quibus probare
nititur animam eſſe immortalẽ, quod maximè
ſit ſollicita de rebus futuris, quas ad ſe pertine-
re poſt obitum iam cogitat. quarum rerum ſen-
ſu ſi corpore ſoluta nullo afficeretur, proſecto
non tot tantisque laboribus, curis, anxietatibus
future fœlicitatis fundamenta iaceret. Multum
ſanè hoc argumento piæ modestiæque mentes
com-

commouentur, veruntamen quoniam ficulneū monstris illis videtur, qui præstantissimam hanc & diuinam naturam infra beluarum conditionem prosternunt & abijciunt, alia quoq; Philosophorum sapientumque hominum testimonia in Sonnij Scipionis explicatione, adferemus. Oportet enim has sententias sæpius Iuuentuti inculcari, hac præsertim tempestate quum fanatici quidam homines & furiosi omnia sursum ac deorsum commiscere, hancque vitæ futuræ cogitationem radicis e mentibus nostris extirpare conentur. Quare & alterum locum e prima Tusculana, quod res ista maiori verborum splendore & copia tractari non possit, sitque iucunda studiosis & utilis futura horum locorum collatio, hic subiungere non grauabor. Maximū vero argumētum est naturam ipsam de immortalitate animōrum tacitam iudicare, quod omnibus curæ sunt, & maximè quidem quæ post mortem, futura sunt. Serit arbores quæ alteri sæculo profint, vt ait Statius in Synephebis, quod spectans nisi etiā postera sæcula ad se pertinere? Ergo arbores feret diligēs agricola, quarum aspiciet baccam ipse nunquā? vir magnus Rempublicam, leges, instituta conferit. Quid procreatio liberorum? Quid propagatio nominis? Quid adoptiones filiorū? Quid testamētorum diligentia? Quid ipsa sepulcrorum monumenta? Quid elogia significant nisi nos futura etiam cogitare? Quid illud num dubitas quū specimen naturæ capi de beat ex optima quaq;

I

natura.

natura. Quæ est igitur melior in hominum genere natura, quàm eorum qui se natos ad homines iuuandos, tutandos, conseruandos arbitrantur? Quid in hac Repub. tot tantosque viros ob Rempub. interfectos cogitasse arbitramur? iisdémne vt finibus nomen suum quibus vita terminaretur? Nemo vnquam se sine magna spe immortalitatis propriam offerret ad mortem. Licuit esse ocioſo Themistoeli, licuit Epaminondæ, licuit, ne vetera & externa quæram, mihi. Sed nescio quo modo inhæret in mentibus quasi sæculorum quoddam augurium futurorū idque in maximis ingenijs, altissimisq; animis & existit maximè, & apparet facillimè, quo quidem dempto quis tam esset amens qui semper in laboribus & periculis viueret. Hac totidem verbis Cicero, neque enim tantam rerum grauitatem infantia mea volui deprimere. Teneamus igitur hoc fixum certumq; nec de hac sententia deturbari facile nos sinamus, Animā immortālem esse & æternam, vtpote æterni Dei viuam imaginem, nec corporis solutam compage interire, & euanescere: quin potius vt se res habet, & vt diuinus ille philosophus existimauit, apud superos actionum cogitationumque suarum digna referre præmia: bonorum quidē & piorum æternis delicijs, malorum vero & eorū qui corporibus immersi nullam posteritatis curam habuerunt, non intermisso supplicio affici. Miserrimum profecto foret optimos quosque tantis ærumnis, curis, sollicitudinibus noctes &

dies vexari; opprimi, necari, malos vero & improbos exultare, omnique voluptatum genere affluere, si nulla rerum talium commutatio esset subsequutura, iisdemque terminis spes nostræ quibus calamitates finirentur.

De vita ipsa dimicaret] Animus de vita dimicare non potest, est enim immortalis, nec corruptio nis huiusce corporeæ particeps. Animum autē hic hominem vocat, atque adeo inferiorem, & ignobiliorem hominis partē; corpus videlicet: qui homo verè dici non potest, quum sit verius sepulcrū hominis. dicitur enim *σῶμα παρὰ τὸ σῆμα*, quod anima sit in corpore velut sepulta. Plato autē dicere solitus erat *οὐκ ἐστὶ ἀνθρώπος τὸ ὁραμένον*. Sic quoque primo de Orat. Cicero hominē posuit pro ingenio. Ingenia vero (vt multis rebus possumus iudicare) nostrorum hominum, multum cæteris hominibus omnium gentium præstiterunt.

Tam parui animi] id est, tam parum cogitare posteritatem, & tam stupido bardoque esse ingenio vt quum sciamus omnia nobiscum interitura, velimus hoc quantulumcunque est vite à natura concessum assiduis laboribus & periculis conterere, nullumque à curis tempus vacuum relinquere.

An, cum statuas & imagines non animorum simulacra, sed corporum studios

*diōs ē multi summi hominēs reliquerunt.
consiliorum relinquere ac virtutum no-
strarum effigiem nōne multò malle de-
bemus, summis ingenijs expressam et po-
litam? Ego verò omnia quæ gerebam, iā
tum in gerendo spargere me ac diffemi-
nare arbitrabar in orbis memoriam sem-
piternam.*

An, cum statuas] Iam vero quum statuas & cor-
porum nostrorum imagines, quæ vetustate faci-
le collabuntur & pereunt, tanto studio tantaq;
cura effictas nepotibus relinquamus: nōne
multo satius est animorum nostrorum, quibus
solummodo sumus homines, viua & æterna si-
mulacra, quæ perpetuo nostri memoriam apud
posterios renouent, omni ingenio & industria
expressa & expolita relinquere, & ad posterita-
tem transfundere? Est autem locus hic sumptus
ex Isocrate cuius sunt in fine Euagoræ hæc ver-
ba, *ἐγὼ δὲ ὡς ἱεροκλῆς ἠγάμαι μὲν εἶναι καλὰ μνημεῖα καὶ τὰς
τῶν σωμάτων εἰκόνας, πολὺ μὲν τοῖς πλείονος ἀξίας τὰς τῶν
πράξεων καὶ τῆς διανοίας, ὥς ἐν τοῖς λόγοις ἀντὶς μένοι ταῖς
τεχνικῶς ἔχουσι θεωρήσεις.*

Spargere me ac disseminare] Potest hic quoque vi-
deri Cicero imitatus Isocratem, vti etiam anno-
tauit Victorius, qui in libello ad Philippū Ma-
cedonem eodem modo locutus est. *ἢν ὑπόσχη τῆς*

ἐλευθερίαν αὐτοῖς καὶ πούνομα τέλο διασπείρης εἰς τὴν Ἀσίαν.
 Est autē Metaphorā ducta ab Agricolis qui se-
 mina in terram spargunt. Ea quoq; vñs est Pla-
 to in X. de legibus, καὶ γὰρ εἰ μὴ κατισπαρμένοι ἦσαν οἱ
 τοιοῦτοι λόγοι ἐν τοῖς πᾶσιν ὡς ἐπὶ σπείρειν, ἀνθρώποις, οὐδὲν
 ἂν ἴδαι τῶν ἐπαμυνόντων λόγων, ὡς ἐπὶ θεοί. Duo autem
 verba rem eandem denotant apposuit Cicero,
 quo rem magis declararet vel etiam exornaret.
 quemadmodum & in oratione pro Plancio. Il-
 lud vñum vos magnopere oro, at que obsecro,
 Iudices, ne fictis auditionibus, ne disseminato
 dispersoque sermoni fortunas innocentium sub-
 iiciendas putetis, Nihil est tam volucrum quàm
 maledictum, nihil facilius emittitur, nihil citius
 excipitur, latius dissipatur. Vocat autē hic disse-
 minatum dispersumq; sermonem rumores ple-
 beios, quæ Catullo fabula dicitur.

Nam fabula fertur

Valle sub alarum trux habitare caper.

*Hæc vero, siue à meo sensu post mor-
 tem ab futura sunt, siue, vt sapientissi-
 mi homines putauerunt, ad aliquā ani-
 mi mei partem pertinebunt, nunc qui-
 dem certè cogitatione quadam, speque
 delector.*

Hæc vero à meo sensu.] Quod si morte omnia no-

stra simul extinguerentur nullusque eorū quæ hic gerimus sensus esset ad nos post obitū peruenturus, tamen hac spe & cogitatione sola immortalitatis vehementer delector, videorq; mihi iam prolixè frui præmijs illis quæ animo concepimus & expectamus.

Quare conserveate, Iudices, hominem pudore eo, quem amicorum studijs videtis comprobari, tum dignitate, tum etiā venustate: ingenio autem tanto, quanto id convenit existimari, quod summorum hominum ingenijs expetitur esse videatis: causa vero eiusmodi, quæ beneficio legis, auctoritate municipij, testimonio Luculli, tabulis Metelli comprobetur.

Quare conserveate] Peroratio est, qua memoriam Iudicū reficit, & totam simul causam breviter colligens, ponit ante oculos rerum omnium quæ copiosius sunt dictæ summam quandam, idque per repetitionem & congregationē, quā *ἀναξιφαλασίαν* primus vocavit Isocrates teste Phalæreo.

Ingenio autem tanto] Oportet enim eum fuisse maximis & admirandis ingenij, dotibus, raraq; mentis acrimonia & dexteritate præditum, quæ

præstan-

præstantissimi quique Romanorum, & bonarum artium peritia cultissimi excolant, & omni honore venerationeque prosequantur: unde magna illi dignitas & auctoritas comparatur, tot magnatum summorumque virorum præsidij fulto.

Quæ cum ita sint, petimus à vobis iudices si qua non modò humana, verum etiam diuina in tantis negotijs commendatio debet esse. Ut eum qui vos, qui vestros imperatores, qui Populi Romani, res gestas semper ornavit: qui etiam his recentibus nostris vestrisque domesticis periculis æternum se testimonium laudis daturum esse profitetur: isque est eo numero, qui semper apud omnes sancti sunt habiti, atque dicti, sic in vestram accipiat fidem, ut humanitate vestra leuatus potius, quàm acerbitate violatus esse videatur. Quæ de causa pro mea consuetudine breuiter, simpliciterque dixi Iudices, ea confido probata esse omnibus, quæ

I 4

non

*non fori, neque iudiciali consuetudine,
& de hominis ingenio, & communiter
de ipsius studio locutus sum, ea Iudices,
à vobis spero in bonam partem esse ac-
cepta: ab eo qui iudicium exercet, cer-
tè scio.*

Quæ cum ita sint] Hic quoque ea colligit quæ
ad benevolentiam & fauorem Iudicū Licinio
conciliandum pertinent: quod non solum ho-
minum, verumetiam Deorum fauore hæc cau-
sa Poëtarum omnibus cōmendetur, sunt enim
illi sancti; maximæque Dijs curæ esse perhiben-
tur: tum Archias à prima adolescentia ingeniū
studiumque suum ad gloriam populi Romani
illustrandam contulit, ac iam etiam proficitur
se recentiora illa quæ nuper suâ memoria sunt
à populo Romano gesta æternis monumentis
posteritati commendaturum. Quare quum tot
tantæque sint Poëtarum in Rempub. ciuilemque
societatem merita, vt sine his studijs vix huma-
nitas constare posse videatur, leges auctoritatē
nullam habeant, plebs effrænis coerceri se non
patiatur; maximi quique viri in administratione
rerum ciuiliū bona ab illis consilia mutuen-
tur, illorumque informati præceptis ad omnem
pulcritudinē & honestatem instructissimi pro-
deant, Principum ferocientes animi compescā-
tur,

tur, iura diuina & humana facta recta conseruē-
tur, denique quum hominum Deorumq; com-
mendatione nobilitentur, non solum non sunt
ē ciuitatibus exterminandi (quid enim magis
barbarum & impium fingi potest?) & in ordinē
redigendi, Verum vltro summis diuinisque ho-
noribus publicē priuatimque afficiendi, & rerū
administrationi principumque institutioni, ma-
ximē ex ijs omnibus qui humanitatem profi-
tentur, præficiendi.

HÆC SVNT MI HOP-
pere, quæ post alios qui hanc orationem
scriptis illustrarunt suis in Poëticorum
studiorum commendationem annotanda
mibi putauit, quibus fortasse, quæ est e-
ruditionis et orationis meæ tenuitas, mo-
rosos istos aut inuidos censores & Ari-
starchos explere non potero. at dabunt
mibi facile veniam qui norunt quā ad-
uerso & iniquo tempore, magna rerum
mearum asperitate, summa mentis per-
turbatione, parum valida corporis con-
stitutione, maxima librorum omnia pe-

nuria me ad scribendū contulerim, paucisq; diebus inuita planè Minerva, ut res ipsa satis clamat, ad vmbilicum perduxerim. quæ omnia si parū me à culpa defendunt, profiteor, quod virium mearum imbecillitas patiebatur, me sedulo præstitisse. Propediem Deo fauente, ubi res à parentibus meis solidiori tibicine fultæ animum à curis ad studia reuocarent, doctius copiosiusque scriptum de Poëticis studijs emittemus. Neque sanè dubito quin illi ipsi, quorum extant in hanc orationem Commentarij, longè maiori rerum, verborum & sententiarum copia disputationem hanc fuissent explicaturi, si in hoc genere interpretandi versari voluissent. Quid enim est in hac mea infantia & imperitia quod cum illorum eruditione & eloquentia possit conferri? Cum vero hanc illi partem non attigerint nedum illustrarint, quæ tamē

& in.


& incredibili suauitate & summa vti-
 litate est referta, optimam ocij mei ratio-
 nē extare posse existimari, si aliquid tē-
 poris & operæ huic rei insumerē. Nec pu-
 to ætatis, quæ magis excusationis loco es-
 se debuit, vitiū mihi posse honestē obijci,
 quod tantas res penē adhuc prætextatus
 temerē aggrediar. Ea magis me excitat
 & incendit, dicā enim verē vt se res ha-
 bet, quā à scribēdo deterret. Volo enim
 his ingenioli mei primitijs & maiorum
 rerum spem facere, & aliquam apud li-
 teratos, vbi maturuerit ætas, de me ex-
 pectationem concitare. Ego quidem ope-
 ræ studijq; huius splendidum me præmiū
 reportasse indicabo, si totum hoc

Commentationis meæ genus,

tibi Hoppere, non di-

splicere intel-

lexero.



26 QVÆ GRÆCE SVNT HVIC
LIBELLO INSERTA SIC VERTI
possunt. In ipsa epistola.

A Ττιώτατον μάρτυρα παγομαι, Verissimū testē profero
Οτι τινὰ μὲν βασιλῆα κ' ἐξοχόν ἀνδρὰ κίχριν,
Τὸν δ' ἀγυράϊς ἐπείσσειν ἐρητύσασκε παραστὰς &c.
Si quem repererat Regem aut virtute valentem
Huic placidis adstans demulcet pectora verbis:
Quod si quem media videat de plebe strepentem
Hunc sceptro impellit.

Φιλαλθῆσια, Amor & studium veritatis
Folio 2. ἀνθρογογραφῆσθαι, Florido genere orationis describi.
ὑπὲρ τὰ ἰσχυρμένα πηδᾶν, Ultra septa trāsire. Prouer.
οἰκονομίαν, Constructionem.

4 ἀμυστάτοι, A Musis alienissimi.
τὴν δίκην, Litem, actionem.
τοὺς πόλεμον γράφουσιν, Bellum decernunt, & indicunt.

7 ὡς κτλ. ἄποισ, Hominum oscribis,
ἀνακόλυστα &c. Inconsequentia, dissidentia, & mutila.
κατόλην &c. Vola omnia pelagus Atlanticum exhaustire,
ἰδοῦν &c. Cacutire & falli.

17 εὐρημα Inuentum.
τα μορῶν, &c. Omnes corporis partes sibi inuicem consen-
tire & subuenire.

16 Φιλαμαθία, Studium & amorem discendi.
18 περὶ θαυμασιῶν, &c. De mirabilibus auscultationibus.
10 εὐπερίαν, Certam & exploratam cognitionem.

τῶν μετὰ, &c. Metaphysicorum.
21 τὸς καίρεφλε, &c. Carephili filios ideo Athenienses
factos quod ille aduexisset salsamenta, quos ideo Timo-
cles quum videret equis insidentes dixit, duos stom-
bros satyris insidere.

22 κρινόμενον, Controversia, summa iudicii questio.
23 παρέκβασις, Egresio.
γενικῶς & ειδί, In genere & specie.
24 οὐκ ἀγαθόν, Non plures regnare bonū est, rex vnicus esto
Et do=

T A B V L A.

Et dominus, quem progenies Saturnia multos
Vt regat imperio sceptris & lege beavit.

Θυμὸς δ' ἐ μέγας. &c. A Ioue nutriti fugienda est in
Tyranni:

Cælo venit honos, cælo gratissimus ille est.

λαῶν δ'. &c. Finigitur officio patris populum ille regendo
Cordati, nec re, nec verbo iura refringens

Castâ, sacro hæc virtus vna est dignissima Rege.

οὐ χεῖν. &c. Cōuenit haud solidas somno traducere noctes

Qui populum regit, & versat tot pectore curas.

ποιμένα λαῶν. Pastorem populorum.

βουλομ'. &c. Cōseruare magis cupio, quàm perdere plebē.

25 τέκνον. &c. Natæ dabit vires forti cum Pallade Iuno

Si placeat, sed magnanimo te pectore mitem

Est præbere tuum. Virtus non gratior vlla est

Quam te fraudiparâs lites odisse benignum

30 Sic acceptus eris turbæ iuuenimq; senamq;

κὲ βουλευστος, &c. Consultationis.

Ἀτρεΐδῃ. &c. Expertem volo consilij te dicere primum

Libere, ut hic fas est: verum nobile timeas:

ἀφρότης. &c. Impius, iniustus, saeuus, sine lege domoq; est

Qui studio belli cūili sanguine gaudet.

26 καὶ γὰρ τε λίται. &c. Nanque preces magni sunt stirps
veneranda tonantis

Claude, & rugosæ vultus, & lumina Strabæ.

29 γεωδῆς μυθολογίαν, Anilem fabulationem.

διδάσκαλον. Præceptorem

30 ἦδ' ἐν τῷ ἀπημαί.

Sed iter quod nunc ingressi sumus Poëtarum adminicu-
lis peragendum. Hi nanque nobis tanquam patres at
que duces sapientiæ existunt. &c.

36 ἀνδρῶν ἡρώων τέκνα πῆματα.

Heroum, magnorumq; virorum filij noxe.

ὑποκράτης τοῖς υἱέσιν ἱπκῆν Hippocratis liberis cedere

38 Σοὶ δ' ἐ μ'. &c. Me comitem senior dederat tibi Peleus

Tum puerum ad Regem quum Phthia mitteret ora

Ignauum belli durissima munia obire

Et dare consilium dum cogit buccina patres,

T A B V L A.

- Hic ut ego instruerem moniti tibi iussit adesse
Emendatorem lingue morumq; tuorum.*
- 41 *παράδοξον, Inopinatum quid, admirabile,*
43 *ὕψις τῶν θεῶν. Filij Deorum.*
44 *οἱ μὲν σὺν. &c.*
Dixeru à multis Colophonis alumnus Homere,
Hic te Smyrnaeum credit & ille Chium.
Quin & Ion quidam, quidam Salamina superbam,
Thessaliam multi te genuisse feruntur
Sunt & qui memorent alijs te sedibus ortum
Sic varijs natus crederis esse locis,
Dikere si liceat mihi Phœbi oracula: cœlum
Certa tibi patria est, Calliopea parens.
58 *ὄντ ἐστὶ. Non est homo illud quod vides.*
ἴστω δὲ. &c.
59 *Ego quidem ô Nicocles, duco pulcra esse monumenta, ip-*
saq; corporum simulacra: sed longe pluris, faciendas esse
actionum cogitationumq; imagines que in arte conse-
ctis orationibus & scriptis maxime conspiciuntur.
ἢ ὑπάρχει. &c. Si ostēdas spē libertatis, & nomē istud per
totam Asiam diuulges.
ἔγω γὰρ. &c. Nam si non essent dispersi isti sermones in-
ter omnes mortales, ut ita dicā, non egeremus rationi-
bus ut probaremus Deos esse.

F I N I S.











